


續文獻通考 二百三十九之四十一

漢書門			
類	號	函	架
二	四	八	三
三	三	一	三

內閣文庫			
類	號	冊	架
漢	二	四	八
書	三	一	三

內閣文庫	
番號	漢 2431
冊數	81 (77)
函號	294 13

仙釋



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak






續文獻通考卷之二百三十九

淺學文庫

皇明進士雪間王圻纂輯

仙釋考 歷代道家總紀上



上古赫胥氏之治也光曜赫奕而隆名有不居九洛泰定
爰脫矚於潛山即天柱第十四洞天也仙傳拾遺云薛
伯高之祖玄真曰祝融棲神于衡阜虞帝登仙於蒼梧
赫胥曜迹于潛山 黃帝飛輪於鼎湖是也
廬陵羅氏泌曰甚矣人欲之不可從也求以從其欲未
有不失其所欲者也昔者周穆王從欲而既失其欲矣
秦皇繼之秦王失其欲矣漢武又繼之漢武復失其欲
矣而明皇又繼之是何耶考與幾而已矣幾生於所無

而夸出於不足皆欲也祿位名壽四者人之所大欲也
貴爲天子富有四海則既有其位又有其祿矣其不足
者名而所無者壽耳且名之所難及者遠而壽之所不
能致者僊也於是事四夷將服遠以夸名而治愈卑禮
方士將來仙以幾壽而身愈乏盡心力而求之而名與
壽愈不可得也雖然黃帝之所爲不在是赫胥氏之所
爲亦不在是也方東方朔之薦藥石於帝也固以謂仙
者得之自然非可躁求若其有道不憂不得不然雖之
蓬萊見仙人亦無益也而帝且不悟既晚因大鴻臚言
於是悉罷方士候神人者每對群臣自嘆曩之愚惑爲
方士所欺則不知道而已伊川有言天子惟不可彊爲

也必先知道知道則人欲輕而民事重矣如是則脫躡
曜迹不爲難也赫胥氏之果仙乎予不得而知予悲夫
求仙者之喪其欲也故詳爲之說云

軒轅時廣成子隱居崆峒山石室中黃帝追焉問以至道
之要詳見列仙

或問荆山經首記黃帝服神丹已龍來迎之去群臣
追慕靡所構思或即其几杖而廟祭之或取其衣冠而
墓守之一應神仙之傳至於儒書亦莫不然而夫子紀
其爲死豈其然耶曰有以明之昔公仲承問於程子曰
人有常言黃帝之治天下也百神出而受職於明堂之
庭帝乃採銅首山作大鑪爲鑄神鼎於山上鼎成群龍

續文獻通考 卷之三十三
下迎乘彼白雲至於帝鄉群小臣不得上昇攀龍之胡
力顛而絕帝之弓裘墜焉於是百官奉之以長號故名
其弓曰烏號而蔽其衣冠於橋陵信有之乎程子曰否
甚矣世之好譎恠也聖人與人同類也類同則形同形
同則氣同氣同則智識同矣類異則形異形異則氣異
氣異則智識異矣人之所以相君長者類也相官攝者
氣也相維持者智識也人之異於龍龍之異於鸞鳥之
異於雲甚易辨也曷足相感召而賓使之耶此其必不
然也黃帝之治天下也其精微之感蕩上浮而下沉故
爲百神之宗爲百神之宗則是百神受職於庭矣帝乃
採銅者鍊剛質也登彼首山者就高明也作爲大鑪者

鼓陽化也神鼎者熟物之器也上水而下火二氣升降
以相濟中和之實也群龍者衆陽之器也雲龍屬也帝
鄉者靈臺之關而心術之變此之謂類也形也氣也智
識也雖與人同然而每上也成而每上則其精微之所
徹達神明之所之適其去人也遠矣群小臣智識之不
及者攀龍之胡有見于下也不得上昇無見於上也有
見於下無見於上者士也上下無見者民也弓裘衣冠
帝所以善世制俗之具也民無見也懷其所以治我者
而已故於帝之逝也號以夾其慕蔽以奉其傳此假以
指喻之言也而人且亟傳之以相詆欺甚矣世之好譎
恠也夫周之九鼎大禹所以圖神姦黃帝之鑄一禹

續文獻通考 卷之三十三
之鑄九其造爲者同而所以之適焉者異是可以決群
疑矣歸愚子曰無見於下衆人之所同有見於上聖人
之所獨首山之銅予不敢伸誠恐游方之士又從而引
之以歸於天庭至寶之言故言之不可易也如此

周 穆王十七年王西征見西王母賓於昭宮

按列子曰周穆王時西極之國有化人來入水火貫金
石及山川移城邑千變萬化不可窮極既已變物之形
又且易人之慮王敬之若神居無幾何謁王同遊化人
之宮王以爲清都紫微鈞天廣樂帝之所居是以居數
十年不思其國也化人復謁王同游所及之處仰不見
日月俯不見河海光影所照王目炫不能得視音

亦耳亂不能得聽百骸六臟悸而不疑意迷精喪請化
人求還化人移之王若殞虛焉既寤所坐猶向者之處
侍御猶向者之人視其前則酒未清肴未睇王問所從
來左右曰王默存耳由此穆王自失者三月而復更問
化人化人曰吾與王神遊也形奚動哉且曩之所居奚
異王之宮曩之所遊奚異王之囿變化之極疾徐之間
可盡模哉王大悅不恤國事不樂臣妾肆意遠遊命駕
八駿之乘右服驪騮而左綠耳右驂赤驥而左白俄義古
字 王車則造父爲御音泰商 爲右次車之乘右服渠
黃而左踰輪左驂盜驪而右山子伯天主車參伯爲御
奔戎爲右馳驅千里至於巨蒐氏之國巨蒐氏乃獻白

鵠之血以飲王具牛馬之潼以洗王之足及二乘之人已飲而行遂宿於崑崙之河赤水之陽別日升崑崙之丘以觀黃帝之宮而封之以貽後世遂賓於西王母觴於瑤池之上西王母為王謠曰白雲在天山陵自出道里悠遠山川間之將子無死尚能復來王和之曰予歸東土和洽諸夏萬民均平吾顧見汝比及三年將復而野其辭哀焉迺觀日之所入行萬里王乃嘆曰於乎予一人不盈於德而諧於樂後世其追數吾過乎乃還

秦 始王二十八年東遊海上方士徐市等上書言海中有三神山名曰蓬萊方丈瀛洲仙人居之請得童男女入海求神仙不死藥從之 始皇之碣石使燕人盧生

求羨門使韓終侯公石生求仙人不死之藥盧生說始皇曰臣等求奇藥仙者常弗遇類有物害之者人主時為微行以辟惡鬼惡鬼辟真人至人主所居而人臣知之則害于神真人者入水不濡入火不熱凌雲氣駕日月與天地長久今上治天下未能恬澹願上所居宮毋令人知然後不死之藥可得也於是令咸陽之旁二百里內宮觀二百七十複道甬道相連帷帳鍾鼓美人充之各案署不移徙所行幸有言其處者死堂幸梁山宮從山下見丞相車騎眾弗善也中人或言于丞相丞相後損車騎始皇曰此中人泄吾語捕當時在旁者盡誅之後莫知行所在 徐市等入海求神仙藥數歲不得

費多恐譴乃詐曰蓬萊藥可得嘗為鮫魚所苦不得至
 請善射與俱見則以連弩射之始皇夢與海神戰如人
 狀問占夢博士曰水神不可見以大魚鮫龍為候今上
 禱祠脩謹而有此惡神當除去而善神可致乃令入海
 者齋捕巨魚具而自以連弩候大魚出射之自瑯琊北
 至榮城山弗見至之罘見巨魚射殺一魚至平原津而
 疾崩于沙丘平臺

東方朔十洲三島記曰昔秦始皇苑中多枉死者橫道
 有鳥如烏狀啣草覆死人面當起坐而自活有司奏聞
 遣使者齎草以問北郭鬼谷先生云臣聞東海祖洲上
 有不死之草或名為養神芝其葉似菰苗叢生一本可

活一人始皇於是慨然曰可採得之否乃使徐福發童

男女各三百人載樓船入海尋祖洲遂不返福道士也字君房

胡一桂曰始皇既平六國欲無不遂所必不可得者壽
 耳故方士以長生不死術中之至遣徐市率童男女入
 海時為微行以避惡鬼幸梁山而捕殺中人卒致山鬼
 持璧捐館沙丘所謂長生不死者今安在哉

漢

高帝初張良始遇黄石公授以秘書後恒導引不食穀及
 留願棄人間事從赤松子遊

曹參為齊相國盡召諸先生問所以安集百姓膠西蓋
 公善治黃老言為言治道貴清靜而民自定參避正堂

以舍之用其言齊國大治稱賢相焉

文帝十六年上郊祀渭陽五帝廟以方士新垣平為上大
夫而使博士諸生刺六經中作王制議巡狩封禪事新
垣平言闕下有寶玉器而使人持玉杯獻之刻曰人主
延壽又言候日再中居頃之日却復中於是更以十七
年為元年今天下大酺平言周鼎在泗水中今河決通
於泗而汾陰有金寶氣意鼎出乎於是治廟汾陰欲祠
出鼎後有上書告垣平所言皆詐下吏治誅平是後上
亦怠於鬼神之事渭陽五帝使祠官領以時致禮不親
往焉

劉氏曰文帝今德善政相望於冊至末年而書增壇場

珪幣如郊見五帝作五帝廟視祠之以新垣平為上大
夫治汾陰廟如日月之食不能不為日月之累及書垣
平伏誅則所謂更也人皆仰之矣

武帝元光元年李少君以祠竈却老方見上尊之少君匿
其年及生長善為巧奏奇中言祠竈則致物而丹砂可
化為黃金蓬萊仙者可見見之以封禪則不死於是上
親祠竈遣方士求蓬萊安期生之屬久之少君病死上
以為化去不死而海上燕齊迂恠之士多更來言神仙
事矣

竇太后好黃老言不悅儒術嘗以詔轅固固曰致家人
言耳太后怒曰安得司空城旦書乎因使刺園承亮人

謬忘奏祠太一方曰天神貴者太一太一佐曰五帝於是帝立其祠長安東南郊

丘久曰天之主宰曰帝天之神莫尊於昊天上帝也人君居天之位為天子則當至天之祭其所當祀者一帝而已武帝聽奸人之言舍圜丘之位而開八通之鬼道舍冬至之月而用春秋二時果何死據哉雖然此猶天之神也後世尚佛道二教濟人鬼於天帝之上何居元符四年齊人少翁以鬼神方見上上所幸王夫人幸少翁以方夜致鬼如王夫人之貌上自帷中望焉於是拜少翁為文成將軍居歲餘其方漸衰乃為帛書以飯牛佯不知而言曰坎牛腹中有奇殺視得書書言其怪

上識其手書遂誅之

征和二年武帝幸安定西

支國王遣使獻香四兩大如雀卵黑如桑椹席以其非中國所有以付外庫又獻猛獸一頭形如五六十日犬子狀似狸而色黃命國使以呈帝見使者抱之以其羸細秃悴植其所貢之非也問使者曰此物可弄何調猛獸使者對曰臣國去此三十萬里國有常占東風入律八旬不休青雲凝呂連月不散者當知中國將有好道君我王故搜奇縕而貢神香步天林而拚猛獸乘毳車而濟弱淵策驥足以度飛沙契河遙途辛苦谿路於今七十三年矣神香起妖殘之死或猛獸却百邪之魅鬼此二物實養生之要助政平化豈圖陛下反不之貴乎

是臣國占風之課矣今日仰鑒天姿亦非有道之君也
眼多視則淫色口多言則犯難身多動則淫賊心多飾
則奢侈未有用此四者而成天下之治也帝恨使者言
不遜欲收之明日失使者及猛獸所在遣人四出尋訪
不知所之後元封元年長安城內病者數千百亡者大
半試取月支神香燒之於城內其死未三日者皆活芳
氣經三月不散於是信其為神物也乃更秘錄香復一
旦又失之檢因封印如初無復有香也帝逾時懊恨不
禮待使者蓋貴方朔之遺語自愧求少君之不勤漸孫
卿之復去向使厚待使者必有其也

武帝內傳曰七月七日帝御承華殿有一青鳥來自西

方集殿前上問東方朔朔曰西王母欲來有頃王母至
有二青鳥侍傍帝與朔居朱雀窓中窺王母以桃七枚
獻帝帝欲留核種之王母笑曰以桃一千年生花一千
年結實指東方朔曰以兒三偷桃矣
元鼎二年春作承露盤高二十丈大七圍以銅為之上
有仙人掌以承露和玉屑飲之云可以長生 四年春
樂成侯丁義薦方士樂大云子文成將軍同師上方悔
誅文成乃以樂大為九利將軍大敢為大言處之不疑
見上言曰臣嘗往來海上見安期羨門之屬曰黃金可
成而河決可塞不死之藥可得而仙人可致也然臣師
非有求於人人自求之陛下必欲致之則貴其從者令

為親屬以容禮待之則可使通言也乃拜為五利將軍
封樂通侯食邑賜甲第以衛長公主壽之黃金十萬斤
又刻玉印曰天道將軍令立白茅上受以示不臣上親
幸其第令佩六印貴震天下於是海上燕齊之間莫不
扼腕自言有禁方詭神仙矣後大竟生誣言腰斬樂成
侯亦棄市夏上幸雍齊人公孫卿說上曰漢興復當
黃帝之時寶鼎出而與神通黃帝接方靈於明庭明庭
者甘泉也黃帝採首山銅鑄鼎於荆山下鼎既成有龍
垂胡鬣下迎黃帝上騎龍與群臣後宮七十餘人俱登
天於是上曰嗟乎誠得如黃帝吾親棄妻子若脫屣耳
拜卿為郎五年公孫卿言見仙人跡緱氏城上上親

往視問卿得無效文成五利乎卿曰仙者非有求於人
人主自求之其道非寬假神仙事如迂誕積以歲月乃
可致也上從之於是郡國各除道繕治宮觀名山神祠
以望幸焉

元封元年正月上幸緱氏禮祭中岳從官在下聞若有
言萬歲者三上遂東巡海上祠八神益發船求蓬萊及
與方士傳車間使求神仙皆以千數四月還至奉高泰
山下東方如郊祀太乙之禮封下有玉牒書書秘禮畢
帝獨上泰山亦有封明日下陰道禪泰山下陞東北肅
然山如祭后土禮江淮間茅三脊為神籍祠夜若有光
晝有白雲出封中上還坐明堂群臣上壽下詔改元上

既封泰山無風雨而方士更言蓬萊諸神若將可得於是上欣然庶幾遇之復東至海上欲自浮海求蓬萊群臣諫莫能止東方朔曰夫仙者得之自然不必躁求若其有道不憂不得若其無道雖至蓬萊見仙人亦無益也願陛下第還宮靜處以須之神仙將自至上乃還是行凡周行萬八千里云

二年上因公孫卿言見神人於東萊山乃幸東萊留宿數日無所見復遣方士求神惟采芝藥以千數

越人勇之言越俗祠皆敬鬼有效東甌王敬鬼得壽乃令立越祠亦祠天神上帝百鬼而用雞卜

公孫卿言仙人好樓居於是上令長安甘泉作諸臺觀使卿持節設具而候神人益廣諸宮室

尹氏曰武帝為求仙而建栢梁臺作承露盤立太乙祠越祠之類又作蜚廉柱觀通天蒸臺又有明堂建章明光之作綱目備書所以著帝之失為求仙者戒

天漢三年上封泰山祀明堂因受計還祠常山陸玄王時方士候神人者終無驗上益厭怠然猶羈縻不絕冀遇其真四年祠人于郊門宮居若有向坐拜者作交門之歌

征和四年正月上幸東萊臨大海欲浮海求神仙而大風晦冥海水沸湧留十餘日乃還 三月上見群臣言自即位以來所為狂悖自今有傷害百姓者悉罷之田

千秋曰方士言神仙者無顯功請皆罷之上曰大鴻臚言是也於是悉罷遣方士是後每嘆曩時愚惑爲方士所欺天下豈有神仙盡妖妄耳節食服藥差可少病而已

宣帝神爵元年上頗修武帝故事以方士言增置神祠聞益州有金馬碧雞之神遣王褒持節求之後以京兆尹楊敞諫悉罷尚方待詔

時諫大夫劉更生獻淮南鴻寶苑秘方言黃金可成今尚方鑄作不驗坐罪當死上奇其材得減罪論

成帝永始二年前頗好鬼神方術之屬上書言祭祀方術得待詔者其衆祠祭費用甚多谷永說上曰臣聞明於

天地之性者不可惑以神恠知萬物之情者不可罔以非類諸嗇仁義之正道不遵五經之法言而盛稱奇恠鬼神及有仙人服食不死之藥遙興輕舉黃冶變化之術者皆奸人惑衆挾左道懷詐僞以欺罔世主聽其言洋洋滿耳若將可遇求之濫濫如繫風捕影終不可得是以明王拒而不聽聖人絕而不語惟陛下拒絕此類毋令奸人有以窺伺者上善其言

新莽二年以方士蘇樂言起八風臺于宮中臺成萬金作樂其上又種五梁禾于殿中各順色置其方面先鸞鶴髓璠瑀犀玉等物漬種計粟斛成一金云此黃帝穀

仙術

東漢桓帝延熹八年春正月遣中常侍左悺之苦縣祠老子十一月使中常侍管霸之苦縣祠老子九年帝親祠老子於濯龍宮用郊天樂於是百姓稍有奉者後遂轉盛
吳諸葛玄有仙術吳王重之於方山為立觀

晉

王弼何晏皆崇尚老莊謂六經為糟粕一時士類效之並祖玄虛范甯嘗論其罪深桀紂

哀帝好黃老信方士言斷穀餌藥以求長生侍中高崧諫不聽服藥過多中毒不能親政

符秦 偽建元時禁老莊圖讖之學

宋 文帝元嘉十五年使丹陽何尚之立玄學

齊 東昏侯時道士陳顯明妄言道真步虛品經六十四篇

梁

武帝大通五年正月有事南郊止是南郊令解滌之等到郊所履行忽聞異香三隨而云及將行事奏樂迎神畢有神光圓滿壇上朱紫黃白各色食頃乃變

武帝太子繹嘗於玄圃自講老尚書令何敬容謂人曰昔西晉祖尚玄虛使中原淪於胡羯今東宮復爾江南亦將為戎乎

元帝承聖三年八月講老子於龍光殿十二月魏于謹圖

城講猶不輟百官戎服以聽

穎川庾承先玄經釋典靡不該悉郡辟功曹不就乃與道士王僧鎮同遊衡岳晚以弟疾還鄉里遂居於五臺山鄱陽忠烈王嘗令講老子遠近名僧咸來赴集論難鋒起異端競至承先徐相酬答皆得所未聞大通二年往從劉慧斐於荊州荆陝學徒因請承先講老子湘東王親命駕臨聽論議終日深相賞接

陳

武帝永定三年廣州言仙人見於羅浮山寺小石樓長三丈所通身潔白衣服

後主禎明二年有神自

遊於都下與人對語而不

見形言吉凶多驗得酒輒醕之經三四年乃去

陳時吳郡錢緩治周易老莊時人言玄者咸推之

清河張譏講周易老莊而教授時吳郡陸元朗周孟博一乘寺沙門法才法雲守沙門慧休至真觀道士姚綏皆傳其業

後魏

太祖好老子之言誦詠不倦天興中儀朝郎董謚因獻服食仙經數十篇于是置仙人博士立仙方煮煉百藥封西山以供其薪蒸令死非者試服之多死無驗太祖猶將修焉太醫周滄苦其愚採之役欲發其事陰令妻貨仙人博士張曜妾得罪隱罪曜懼死因請辟穀太祖許

之給曜資用為造靜堂苑中給灑掃民二家而鍊藥之官仍為不息久之太初意少懈乃止太祖好黃老數召諸王及朝臣親為說之在坐莫不祇肅惟毗陵王順獨坐寐欠伸以此得罪

太宗踐太祖之業亦好黃老

世祖燾立天師道場受方士寇謙之符籙初嵩山道士寇謙之修張道陵之術自言吊遇老子降命繼道陵為天師授以辟穀輕身之術使之清整道場又遇神人李譜文云老子之玄孫也授以圖籙真經使之輔佐北方太平真君出天宮靜輪之法謙之奉其書獻於魏王朝野多未信崔浩獨師受其術且上書曰聖王受命必有天

廣河圖洛書皆寄言於蟲獸之文未若今日人神接對手筆燦然辭旨深妙自古無比豈可以世俗常心而忽上靈之命哉帝欣然使謁者迎致謙之弟子以宗奉天師顯揚新法起天師道場於平城東南重壇五層月設厨會數千人

按史稱謙之於神瑞二年十月己卯忽遇大神乘雲駕龍道從百靈仙人玉女左右侍衛集止山頂稱太上老君謂謙之曰往辛亥年嵩岳鎮靈集仙官上表天曹稱自天師張陵去世以來地上曠誠修善之人無所師授嵩岳道士上谷寇謙之立身直理行合自然才任軌範首處師位吾故來觀汝授汝天師之位賜汝雲中音誦

新科之誡二十卷號曰並進言吾此經誠自天地開闢以來不傳於世今運數應出汝宣吾新科清整道教除去三張偽法租米錢稅及男女合氣之術大道清虛豈有斯事專以禮度爲首而加之以服食閉鍊使十二人授謙之服食道引口訣之法遂得辟穀氣盛體輕顏色殊麗弟子十餘人皆得其術泰常八年十月有牧土師李譜文來臨嵩岳方銷鍊金丹雲英八石玉漿之法皆有訣要上師李君手筆有數篇所書古文鳥迹篆隸雜體辭義約辯婉而成章又言二儀之間有三十六天中有二十宮宮有一主最高者無極至尊次日大至真尊次日覆天載陰陽真尊次洪正直真尊姓趙名道隱以殷

時得道牧土之師也牧土之來赤松王喬之倫及韓終張安世劉根張陵近世仙者並爲翼從牧土命謙之爲子與群仙結爲徒友幽冥之事世所不了謙之具問一告焉經云佛者昔於西胡得道在四十二天爲延真宮主勇猛苦教故其弟子皆髡形染衣斷絕人道諸天衣服悉然始光初奉其書而獻之世祖乃令謙之止於張曜之所供其食物時朝野聞之若存若亡未全信也魏史臣曰道家之原出於老子其自言也先天地生以資萬類上處玉京爲神王之宗下在紫微爲飛仙之主千變萬化有德不德隨感應物厥迹無常授軒轅於峨眉教帝嚳於牧德大禹聞長生之訣尹喜受道德之旨

至於丹書紫字昇玄飛步之經玉石金光妙有靈洞之說如此之文不可勝記其為教也咸蠲去邪累澡雪心神積行樹功累德增善乃至白日昇天長生世上所以秦皇漢武甘心不息靈帝置華蓋於濯龍設壇場而為禮及張陵受道於鵠鳴因傳天宮章本十有二百弟子相授其事大行齋祠跪拜各成法道有三元府百二十宮一切諸神咸所統攝又稱劫數頗類佛經其延康龍漢赤明開皇之屬皆其名也及其劫終稱天地俱壞其書多有禁秘非其徒不得輒觀至於化金銷玉行符赤水奇方竅術萬等千條上云羽化飛天次稱銷災滅禍故好異者往往尊事之

按道士之名不知所自始樓觀本記曰周穆王因尹真人草樓之觀召逸人居之謂之道士平王東遷置七人漢明帝永平七年置三十七人晉惠帝度四十九人審此則是名自周而巳有之

司馬公曰老莊欲同死生輕去就而為神仙者服餌修鍊以求輕舉鍊草石為金銀其為術正相戾矣是以劉歆七略叙道家為諸子神仙為方技其後復有符水禁呪之術至謙之遂合而為一至今循之其訛甚矣浩不喜佛老而信謙之之言何哉

丘氏濬曰道家者流其原出於老子漢初其法有三十
七家大旨去健羨處沖虛而已無天官符籙等事東漢

之末張道陵始創其法然惟私相受于民間未盡傳布天下也至是嵩山寇謙之修張魯之法自言嘗遇老子降命繼道陵爲天師賜以雲中音誦科誡之法此後世齋醮科儀所由起也授以玉女服氣導引之法此後世辟穀脩養所由起也又言老子玄孫李譜文授以圖籙真經檄召百神此後世符籙攝召之術所由起也謙之自言親得李君手筆付以奉持輔佐北方太平真君天宮靜輪之法謙之獻其書於魏主人多不信崔浩獨上書神其事魏王遣使迎其弟子於嵩岳起壇宇於代都而崇奉顯揚之親備法駕而受符籙焉自是以來有陶弘景趙歸真杜光庭之徒又從而推演張大之其教遂

大行於世與師釋並立而爲三其尤悖者謂道士爲天師後世因之遂以稱漢張道陵嗚呼莫大於天莫尊於君萬乘之君僅得以爲天子而一介方士乃以爲天師彼道陵謙之之徒皆受胎於父母稟氣於天地具血肉之軀有妻子之屬縱有道德亦天生者耳安能爲天之師哉天而有師則是昊天上帝反北面而受其教也豈有是理哉自是以後嗣道陵之世者世皆以天師稱之至我 聖祖始革其僭妄之號而即其所謂真人者稱之嗚呼自太武信崔浩之言而崇奉謙之其法遂蔓延於天下後世流而淫巫邪說無復五千言道德之餘意矣二人皆不得其死豈矯誣上天天亦惡之與

太平真君二年魏主詣道壇受符籙寇謙之謂魏主曰
陛下以真君御世建靜輪天宮之法開古以來未之有
也應登受符書以彰聖德魏主從之自是每世即位皆
受符籙謙之又奏作靜輪宮必令其高不聞雞犬欲以
上接天神崔浩亦勸為之功費萬計經年不成太子晃
諫曰天人殊道卑高定分不可相接理在必然今耗府
庫疲百姓為無益之事將安用之不聽

丘氏濬曰書人君受符籙始於此

時有京兆人常文秀隱于嵩高徵詣京師太武曾問方
士金丹事多曰可成惟文秀對以幽昧難期遣與尚書
崔順詣王屋山台丹竟不能就又海東折纖好相人拜

為上大夫頻陽絳略聞喜具邵道引修養年百餘歲神
氣不衰常農圃平山博覽百家應義旨可聽欲授之官
辭不受扶風魯祈遭赫連屈子暴虐避地寒山教授弟
子數百人好方術少嗜欲河東羅崇之常餌松柏不食
五穀自稱受道于條山太武令崇還鄉里立壇祈請崇
云條山有穴與崑崙蓬萊相屬入穴中得見仙人與往
來詔令河東郡給所須崇穴行百餘步遂窮有司以誣
妄請治罪太武以非待賢之意赦之

文成興光元年二月帝至道壇登受籙圖禮畢曲赦京師
班賞有差

獻文天安元年三月帝幸道壇親受符籙曲赦京師

續文獻通考 卷之三百九
十九
孝文太和十五年移道壇于都南桑乾之陽岳山之陰永
置其所給戶五十以供齋祀仍名爲崇虛寺召諸州隱
士員滿九十人其壇在南郊方二百步以正月七日七
月七日十月五日壇主道士行祠壇之禮至武定六年
有司執奏罷之

中山李預羨古人餐玉之法乃採訪藍田躬往搜掘得
若環璧雜器形者大小百餘稍得麤略者亦篋盛以還
至家觀之皆光潤可玩預乃椎七十枚爲屑日服食之
餘多患人後預及聞者更求於故處皆無所見預服經
年云有效驗而世事寢食不禁節又加之好酒損志及
疾篤謂妻子曰服玉屏居山林排棄嗜欲或當大有神
力而吾酒色不絕自致於死非藥過也然吾尸體必當
有異勿便速殯令後人知餐服之妙時七月中旬長安
毒熱預停尸四宿而體色不變其妻常氏以玉珠二枚
含之口閉常謂之曰君自云餐玉有神驗何故不受含
言訖齒啟因噓其口都無穢氣舉斂於棺堅直不傾委
死時猶有遺玉屑數斗橐盛納諸棺中
清河崔浩性不好老莊之書每讀不過數十行輒棄之
曰此矯誣之說不近人情必非老子所作老聃習禮仲
尼所師豈設敗法文書以亂先王之教袁生所謂家人
筐篋中物不可揚於王庭也

後周 武帝天和四年二月帝御大德殿集百僚道士等

討論其經典微義 建德元年辛亥都觀御法座講說
公卿道俗論難畢還宮時封道士衛元嵩為蜀國公

宣帝大象元年四月大醮于正武殿十月幸道會苑大醮
以高祖武皇帝配 四年司隸大夫甄鸞上笑道論三

卷三十六條三卷者笑其三洞之名三十六條者笑道
經有三十六部時令之 北齊杜弼姓好名理探味玄

宗自在軍旅帶經從役注老子道德經二卷上之表略
謂二經闡明幽極旨冥動寂用周九聖論行也清淨柔

弱語迹也成功致治實衆流之江海乃群藝之本根高
祖詔謂旨極精微言窮深妙勅殺青編藏之延閣

高

煬帝大業八年道士潘誕自言三百歲為帝合煉人

丹帝為之作嵩陽觀所費鉅萬誕云應用石膽石髓發
工鑿石深百尺者數十處不得乃言若得男女膽髓各
三斛六斗可以代之帝怒鎖詣涿郡斬之

高祖武德三年普州人吉善行自言於羊角山見白衣老
父曰為吾語唐天子吾為老君乃而祖也詔於其地立
廟

范氏曰唐祖老子由妖人之言而諂諛者附會之高祖
啟其原高宗明皇扇其風遂用方士之言而躋之於上
帝卑天誣祖悖道甚矣

九年廢老子法尋即復

太宗貞觀十年長孫皇后得疾太子請度人入道后曰死

生有命非智力所移道釋異端之教蠹國疾民皆上素
所不爲奈何以我一婦人使上爲所不爲乎 十一年
帝幸洛京詔道先釋佛時沙門智實上表進諫固執不
奉詔杖于朝堂民其服流之嶺表而卒 貞觀末王玄
策使天竺得方士那邏邈娑婆寐自皇壽二百歲有不死
術帝改館使治丹命兵部尚書崔敦禮護視使者分馳
天下采恠藥異石

外國亦有好道教者貞觀末東天竺王尸鳩摩嘗獻異
物并地圖請老子象

尉遲敬德晚節嘗餌雲母粉爲方士術延年

高宗顯慶二年遣天竺方士娑婆寐歸國寐嘗自言有長

生之術太宗頗信之發使詣婆羅門諸國採藥藥竟不
就乃放還上即位復詣長安上復遣歸謂宰相曰彼云
藥成欲服時須斷食三日服藥令吐復斷食再服藥遣
三利令人極瘦因然後與藥即換肌骨始得長生遍觀
史籍定無長生之理昔秦始皇漢武帝求之卒無所成
果有不死之人今皆安在李嶠對曰此人再來容髮衰
白改於前矣安能長生竟未及行而死 麟德二年車
駕至亳州謁老君廟上尊號爲太上玄元皇帝 總章
元年詔僧道會于百福殿定奪化胡經直僞僧法明者
出曰老子化胡成佛之際爲作華言化之耶胡語化之
耶若作華言胡人未善必作胡語矣胡語旣傳此土須

假翻譯未審化胡經于何朝代翻譯于是道流無能應者有勅搜聚天下化胡經焚之

烏荼國婆羅門盧迦逸多自言能合不死藥上將餌之東臺侍郎郝處俊諫曰修短有命非藥可延貞觀之末先帝服那羅邈娑婆寐藥大漸之際明醫不知所爲殷鑒不遠願陛下深察上乃止

上元元年后以國家聖緒出玄元皇帝詔令王公以下皆習老子令明經舉人策試

潘師正事王知遠爲道士得其術居逍遙谷高宗嘗詔即其廬作崇唐觀及營奉天宮又勅在逍遙谷作門曰仙游曰尋真時太常獻新樂帝更名祈仙望仙翹仙曲
本年九十八又有劉道合者亦與師正同居嵩山帝即所隱立太乙觀使居之時將封泰山雨不止令道合禳祝俄而霽咸亨中爲帝作丹劑成而卒帝復營宮遷道合墓開其棺見骸折若蟬蛻者帝聞恨曰爲我合丹而自服去然所餘丹卒無他異

時道士衆多李嶠上書曰今道人私度者幾十萬其中高戶多丁富商大賈詭下法符籙名僞度且國計軍防並仰丁口今丁皆出家兵悉入道征行租賦何以備之中宗神龍元年二月制天下諸州各治觀一所咸以大唐中興爲名時以方士鄭普思爲秘書監葉靜能爲國子祭酒普思靜能皆以妖妄爲上所信墨勅授二人桓彥

範崔玄暉固執不可曰陛下初復大位制令皆依貞觀故事貞觀中魏徵為秘書監孔穎達為國子祭酒豈普思靜能之比乎拾遺李邕上疏曰若有神仙能令人不死則秦皇漢武得之矣佛能為人福利則梁武得之矣堯舜所以為帝王者亦修人事而已尊寵此屬何補於國上皆不聽 二年制道士史崇恩等加五品階時史宗玄

附太平公主授鴻臚卿

睿宗景雲元年十月制以洛州相王府宅為太安國觀十二月上以西城隆昌二公主為女冠以資天皇太后之福欲為造觀諫議大夫寧原悌上言釋道二家皆以清淨為本不當廣營寺觀勞人費財又先朝所親狎者

主加進斥不聽 補闕辛替否亦上疏曰太宗撥亂天下正開基立極官不虛受財不枉費不多造寺觀而有福不多度僧尼而無災天地垂祐風雨時若粟帛克溢蠻夷率服享國長久名高萬古陛下何不取而法之中宗棄祖宗之業徇中宮之意無能而祿者數千人無功而封者百餘家造寺不止度人無窮奪民之食以養貪殘剥民之衣以塗土木人怨神怒眾叛親離旱國不永禍及其身陛下何不懲而改之自頃水旱霜蝗未聞賑恤而為二女造觀用錢百餘萬緡以供無用之役乎陛下族常氏之家而不去常氏之惡忍棄太宗之法而不忍棄中宗之政乎且陛下當常氏用事之時日夕憂危切

齒群凶今乃不改其所為臣恐復有切齒於陛下者矣
上雖不能從而嘉其切直時韋湊韋嗣立俱諫實懷貞
獨勸成之二公主後改號金仙玉真公主各置一觀仍
以金仙玉真為名

按公主入道者玄宗女萬安公主 代宗女華陽公主

德宗女文安公主 憲宗女永安公主 穆宗女義

昌公主安康公主 時天下觀一千六百八十七

二年正月加銀青光祿大夫行太子率更令史崇玄為
金紫光祿大夫太清觀主上召天台道士司馬承禎問
以陰陽數術對曰道者損之又損以至於無為安肯勞
心以學數術乎上曰理身無為則高矣如理國何對曰

國猶身也順物自然而無所私則天下理矣上嘆曰廣
成之言無以過也承禎固請還山許之 四月初自今
每緣法事集僧尼道士女冠等宜令齊行並進

玄宗開元六年河南叅軍鄭銑耒陽永郭仙舟投醜獻詩
勅曰觀其文理乃崇道法至於時用不切事情宜從所
好度為道士 八年六月道士葉法善卒制曰故道士
鴻臚卿員外越國公葉法善體應中仙名升上德謀叅
隱諷事宜弘益可贈越州都督法善二世為道士皆有
攝養口卜之術自高宗則天屢召入宮問道睿宗即位
稱其有冥助功尊寵莫與為並 九年三月置石柱于
景龍觀今天台道士司馬承禎依蔡邕石柱三書體寫

老子道德經 十三年四月更集仙殿爲集賢殿上與中書門下及禮官學士宴于集仙殿上曰仙者憑虛之論朕所不取賢者濟理之具今與卿曹合宴宜更名曰集賢 十四年岐王範薨帝手寫老子經爲之祈福

九月制曰玄元皇帝仙聖宗師國家本系昔草昧之始告受命之期高祖應之遂于神降之所置廟改縣曰神仙近日廟庭屢形佳瑞祇慶載深其令本州擇精誠道士七人于羊角廟中整齋焚香以崇奉敬 十八年十月命集賢院學士中書舍人陳希烈諫議大夫王廻質侍講學士宗正少卿康子元贊善大夫馮朝隱等於三殿侍講道德經侍中裴光庭等請編入史策宣示天下

十九年五月置五岳真君祠廟各于岳下選德行道士數人焚香灑掃初司馬承禎上言今五岳神祇皆山林之神非真正之神也五岳皆有洞府各有上清真人請立齋祀之帝從其言其形像制度令承禎推按道經創意爲之 二十年四月勅曰五岳先置真君祠廟朕爲蒼生祈福宜令祭岳使選精誠道士以時設醮及廬山使者青城丈人廟並准此祭醮 二十一年正月制曰老子道德經宜令士庶家藏一本每年貢舉人量減尚書論語策一兩條准數加老子策俾敦崇道本弘益化原今之此勅亦宜家置一本每頒三省以成朕懷侍中裴光庭請編入國史以示將來從之 二月逸人張

果就徵自言有神術堯時爲侍中多往來恒山中相州刺史韋濟薦之上遣璽書迎入禁中以爲銀青光祿大夫號玄通先生厚賜遣歸後卒好事者以爲尸解帝爲立棲霞觀

按集仙錄曰形如生人者尸解也足不青皮不皺者尸解也目光不落無異生人者尸解也髮盡落而失形骨者尸解也有未殮而失其尸者有衣存而形去者有髮脫而形飛者皆尸解也白日解者爲上夜半解者爲下向曉向暮去者爲地下王此皆得道之差降也又有劔解水解火解諸說此皆誕言以欺後世殊不足信

尹氏曰所謂方士者蓋方外之士也而張果又自言有仙術堯時爲侍中則其視後世官爵爲何如哉嘗怪世之好異者於浮屠之死則言寂滅於方士之死則言尸解要之不免於死則其爲欺誕可知矣堯堯時未聞有謂侍中之官使果有之更歷虞夏商周之世何略無聞耶以秦皇漢武窮幽極遠浮海求之於時方士交驚天下顧不能羅而致之是又何耶書以方士爲銀青光祿大夫則明皇惑於神恠此徒誣世取寵皆見矣况未幾而遂死乎

十二月侍講學士陳希烈等講尚書周易遵德莊列畢裴耀卿蕭嵩等皆請付諸史官頒示天下從之 二十二年十月勅今月十四十五是下元齋日停宰殺漁獵

等兼肉料食自今已後兩都及天下諸州每年正月七月十月起十三至十五並宜禁斷 二十三年三月親註老子并修疏義八卷及制開元文字音義三十卷頒示公卿士庶及道釋二門聽直言可否丞相蕭嵩等奏請編入史冊藏之秘府從之 六月嘉州峨眉山醮壇有神燈徧照祥蜂群萃成響 二十四年八月成都道士於龍興觀設齋發揚御書道德經請降中使親王宰相及朝官行香并獻蔬食許之 九月贈故道士王友貞為銀青光祿大夫 二十五年正月以道士尹愔為諫議大夫集賢院學士兼知中官事特賜朝散階愔上表懇辭詔許不道士服視事情乃就職先是已置玄學

博士至是又置崇玄署令道士見天子必拜凡止民家不過三夜出踰宿者立案連署不過七日路遠者州縣給程時計天下道士七百七十六受老子經以上給田三十畝僧尼受經戒准此 二十六年正月親迎氣于東郊畢制天下寺觀大小各度一七人擇灼然有經業戒行為鄉閭所推仍先取年高者 二十七年十二月宰臣牛仙客李林甫奏陛下欲巡幸渭北夢玄元皇帝沮之是日果烈風大起際暮方定伏望宣示百僚頒示中外帝手詔報可 二十八年五月帝謂宰臣曰朕在藩邸有宅在積善里東南隅宜于此地置玄元皇帝廟及崇玄學 二十九年正月詔兩京及諸州各置玄元



皇帝廟一所每年依道法齋醮兼置崇玄學生于當州
 縣學士數內均融量置令習道德經及莊文列子待習
 業成後每年隨貢舉人例送至省置助教一人委所由
 州長干諸色人內精加訪擇補授仍稍加優獎是月毫
 州奏玄元皇帝廟中之井湧氣成雲五色相映二月
 帝謂宰臣曰洪州人鄔玄宗往在文明年中傳玄元皇
 帝旨告天后曰我國祚無窮當千萬君遂遭禁錮因茲
 淪喪自非忠義過人孰能若此宜追贈以慰泉壤乃贈
 玄宗隸州刺史仍授其子瑗一官三月亳州奏老君
 廟九井先涸自奉詔增修觀宇九泉皆湧及枯樹復榮
 四月上夢玄元皇帝云吾像在京城西門百餘里遣

使求得之於藍屋迎置興慶宮 五月帝夢玄元皇帝
 告以休期命有司圖畫真容分布天下所在道士皆具
 威儀法事迎候像到七日夜設齋行道仍各賜錢用充
 齋慶之費 八月陵州奏開元觀老君真容見儀像分
 明道士數十人皆見久之方隱請頒示天下從之 命
 有司于興唐觀設齋自內迎玄元皇帝真容于觀宰臣
 以下百官悉行香有慶雲見牛仙客李林甫等上表賀
 九月御興慶門數親視明道德經及莊文列子舉人
 仍親發策問時有姚子彥斬能元載等策入第各授之
 以官 十二月策天下諸觀起來年正月一日至年終
 以來常轉本濟經其四大齋日每有官齋之日常令講

誦庶澤及無害稱朕意焉時皇太子奏曰臣弟兄奉恩
旨共造太玄觀庶憑神力求保聖躬望精選二七人度
爲道士許之 是月亳州奏玄元皇帝廟門之南有物
如璿家牛忽變成青牛事係仙瑞請頒示中外許之
時宋州人姜撫自言通仙人不死術隱居不出太常卿
韋緇祭名山因訪逸民還白撫已數百歲召至東都舍
集賢院因言服常春藤使白髮復鬢則長生可致藤生
太湖最良帝遣使取之以賜中朝老臣擢撫銀青光祿
大夫號冲和先生又言終南山有旱藕餌之延年狀類
葛粉帝作湯餅賜大臣後民間以酒漬藤飲者多暴死
撫內慚請求藥牢山逃去

天寶元年正月陳王府參軍田同秀言玄元皇帝告以
藏靈符在尹喜故宅上遣使求得之群臣上表以寶符
潛應年號請於尊號加天寶字從之時人皆疑寶符同
秀所爲也間一歲清河人崔以清復言玄元皇帝云載
符在武城紫薇山敕使往掘亦得之東京留守王倬知
其詐案問果首服奏之上亦不深罪也 二月乙酉置
玄元皇帝廟辛卯親享于新廟京城斷屠宰是月詔史
記古今人表玄元皇帝升入上聖 三月追號莊子爲
南華真人所著書爲南華真經李林甫請文子號通玄
真人列子號冲虛真人庚桑子號洞靈真人其數子並
隨號稱經從之 四月詔曰前習業人等以玄言卷數

非多列在小經之目今後天下應舉除崇玄學生外自餘所試道德經宜並停仍令所司更詳擇一小經代之其道經為上經德經為下經庶乎道尊德貴是崇是奉凡在遐邇知朕意焉 六月詔今後國家制命表疏簿書及所試制策文章有道教之詞及天地乾坤字者並一切平闕宣示中外 九月詔兩京玄元廟改為太上玄元廟天下准此 十一月詔今天下道士等待至今歲轉經訖各于當觀設齋慶讚仍取來年正月一日至年終已來依前轉本齊經兼令講說其所設齋慶讚亦宜准此庶使遠近蒙福如朕意焉

時賀知章嘗病夢遊帝居數日寤乃請為道士還鄉里

許之以宅為千秋觀而居又求周宮湖數頃為放生池有詔賜鑑湖剡川兩幼子亦聽為道士

華州吳筠舉進士不中天寶初召至京師請隸道士籍乃入嵩山依潘師正究其術玄宗嘗問道對以深於道者無如老子五千言其餘徒喪紙札耳復問神仙治鍊法對曰此野人事積歲月求之非人主宜留意筠每開陳皆名教世務以微言諷天子天子重之群沙門嫉其見遇而高力士素事佛共短筠於帝筠見惡於力士而斥故其文章深詆釋氏

二年正月追尊玄元皇帝為大聖祖玄元皇帝兩京崇玄學改為崇玄館博士為學士助教為直學士更置大



學士員又義陽郡築玄元皇帝宮獲玉石真人獻之
三月親祀玄元皇帝廟追尊帝母益壽氏曰先天太后
父周正御大夫敬追尊爲先天太皇其玄元宮改爲上
清宮西京改爲太清宮東京改爲太微宮天下諸郡改
爲紫極宮兩京宮內道士取先抽有道行者一七人自
餘于新度人中簡擇取添滿三七人爲定額仍各賜近
城莊園各一所并量賜奴婢等其道士女道士先令司
封檢校不須更隸宗正寺所置崇玄署宜停每聖祖宮
有昭告改用卯時每三元日宜令崇玄館學士講道德
南華等諸經群公百辟咸就觀禮其崇玄館大學士宜
賜物一百匹學士賜六十匹直學士四十四匹宮內先配

住道士各二十四宣布中外令識朕懷

初太清宮成命宮人于太白山采白石爲玄元聖容與
玄宗聖容並立皆衣王者袞冕之服繪采甚麗

五月蘇州刺史劉長裕奏新作玄元皇帝宮有九井自
然羅列在宮院差池堦宇洞徹常盈汲用不竭宛合醮
宮九井之數望宣付史館頒示天下從之 九月詔譙
郡紫極宮宜准西京爲太清宮先天太皇及皇后廟
並改爲宮

三

載三月兩京及天下諸郡于開元觀開元

寺以金銅鑄帝等身天尊及佛各一術士方嘉慶言遯
甲神有九宮貴神典司水旱請立壇從之 是月楊貴
妃乞爲女冠號曰太真

四載正月上調宰臣曰朕於宮中為壇為百姓祈福自
草黃素置案上俄飛升天聞空中語云聖壽延長又煉
藥成置壇上及夜欲收又聞空中語云藥未須收此自
守護群臣表賀望編簡冊宣示中外從之 三月崇文
館學士門下侍郎陳希烈奏曰伏見太清宫道士蕭從
一云今日五更欲于殿上焚香行至三清門忽有一片
紫雲從空下兼有異常音樂忽然如夢身心驚駭見空
中有異人兼仙童玉女謂曰我是玄元皇帝可報吾孫
汝是上界真人今侍吾左右吾冥使天匠就助成功訖
長衛護汝受命無疆災害日除天下安樂言訖隨雲氣
便入殿門請宣付史館從之 四月詔今後每于太清

宮諸官行禮官宜改用朝服兼停祝版其告獻祠及所
奏樂章朕當別自修撰仍令所司具儀注上奏 七月
蜀郡上言道士鄧紫虛投龍設醮于江潭有大蛇長一
丈自潭游出文采五色異常其蛇上又有慶雲紛郁望
編史冊從之 乙卯詔墳籍中有載玄元皇帝南華等
真人猶稱舊號者並宜改正其餘編錄經義等書亦宜
以道德經列諸經之首其南華經不須編在子書即令
集賢院詳審改定應舊號并科目訖其宣付有司仍頒
示中外

五載正月太清宫使門下侍郎陳希烈奏昨緣告獻大
聖祖宿齋時日抱戴紫氣又今日告獻後有紫雲從殿

上起向東南飛光照清宮色蓋仙宇久而不散 二月
陳希烈奏謹按高上本紀大聖祖玄元皇帝以二月十
五日降生既是吉辰即大齋之日請同四月八日佛生
辰准令休假一日從之 十二月巴東郡興山縣之巴
東公山有石自開中間有石室及天尊儀像幢蓋侍童
皆自然具足

六載正月詔補天下諸觀人數缺少者仍令所在長官
精加試揀勿使踰濫 五月詔晉瑯琊王公府舍人楊
真人護軍長史許真人丹陽上計掾許真人及後漢張
天師梁貞白陶先生並令有司審定子孫以嗣直教天
師冊贈太師貞白冊贈太保凡天下有洞宮山各置壇

祠宇每處度道士五人並取近山三十戶蠲免租稅差
科亦供灑掃諸郡有自古得道升仙之處每處度道士
二人或三人永修香火其茅山紫陽觀取側近百戶太
平崇元二觀各一百戶並蠲免租稅差科永充修葺灑
掃天下靈山仙跡並禁斷樵採七獵山林學道之士不
得恐動以廢修行 十二月或言玄元皇帝降于華清
宮朝元閣於是改爲降聖閣改會昌縣爲昭應縣見昌
山爲昭應山封山神爲玄德公仍主祠宇以時祭享
八載六月王芝產于大同殿先是太白山人李渾等上
言見神人言金星洞有玉板石記聖王福壽之符命王
鉞求獲之上以符瑞相繼上玄元皇帝號曰聖祖大道

玄元皇帝親奉冊禮 閏六月內出一切道經令崇玄館繕寫分送諸道採訪使令管內諸郡轉寫其官本便留採訪郡一大觀持誦又詔太微宮聖祖前更立文宣王儀像與四真人列侍左右又封太白山為神應公金星洞改為佳祥洞即其地置祠宇仙人臺下置一觀兩京并十道于一大郡亦置一觀並以貞符王芝為名每觀度道士七人修任香火 十二月啟聖宮琢玉造聖祖大道玄元皇帝直容及帝直容

九載二月吳郡大守林詳上言所部造貞符王芝觀於李樹下發得聖祖直容不勝大慶請宣付史館許之華陰郡奏白鶴見于西岳五福峰甘露降大羅峰之醮

白鹿見于大羅峰駕鶴嶺衛叔卿得仙處請宣付史館

從之 三月詔丹陽郡江寧縣擇勝地置觀度道士七

人 十月太白山王元翼上言玄元皇帝降言寶仙洞

中有妙寶真符詔刑部尚書王儒等獲之 十一月制

今後每親告獻太微宮改為朝獻有司行事為薦獻時

上遵道教慕長生故所在爭言符瑞李林甫等皆請捨

宅為觀以祝聖壽上悅

十載四月帝於內道場親教誦道士步虛聲韻道士玄

辯等奏謝 六月為五聖寫道德五本于太清宮興唐

東明龍興觀各置一本仍各賜絹五百匹以申齋慶

八月黔中郡上言紫極宮慶雲見蕪春郡上言天長觀

玉石蓮華座上產紫芝一本七莖

十三載二月親獻上清宮上聖祖玄元皇帝尊號曰大

聖祖高上大道金闕玄元天皇帝又以休祥頻見太

清宮道士各賜物三十段道門威儀王虛貞賜物五十

段陪位大德各賜二十段

十四載四月道士王虛貞卒贈洞微先生 十月御註

道德經并義疏分示十道各令傳寫以付宮觀

十五載九月帝在蜀令道士于闐人廟修醮壇有蛇見

于廟前頭有肉角山上明燈自然光照

肅宗至德二年三月通化郡上言玄元皇帝真容見 十

二月詔天柱山老君廟改為啓聖宮 乾元元年四月

內出皇帝寫真圖自光順門送太清宮諸觀道士都人

皆以棚罩幡花鼓樂迎送 二年十一月殿中監成國

公李輔國奏大明宮三殿前設河圖羅天大醮其夜及

辰有龍見于御座褥宛轉鱗甲腳跡遍于褥上 三年

王璵驟得政奏置太乙壇勸帝身見九宮寺帝由是專

意他議不能奪 初玄宗在位久推崇老子道好神仙

事廣修祠祭璵專以祠中帝意肅宗立又以祠禱見龍

至同中書門下平章事中外悵駭帝嘗不豫太卜建言

崇在山川璵遣女巫乘傳分禱天下名山大川巫皆盛

服中人護領所至于託州縣賂遺狼籍時有一巫美而

蠱以惡少年數十自隨尤儉狡不法馳入黃州刺史左

震晨至館請事門鏑不啟震怒破鏑入取巫斬庭下悉
誅所從少年籍其賊得十餘萬因遣還中人既以聞與
不能詰帝亦不加罪

時李泌好神仙嘗導引不食穀肅宗自燒梨與之賡詩
曰不食千鍾祿惟食兩顆梨

寶應二年代宗初群臣上尊號改元大赦制河南河北
偽度僧尼道士並與正度

代宗廣德初術士李國禎建言唐家仙系宜崇表福區招
致神靈請度昭應南山作天華上宮露臺大地婆父祠
并三皇道君太古天皇中古伏羲女媧等各爲堂室給
百戶掃除有詔從之昭應令梁鎮上疏切諫以爲有七

不可且婆父之辭語不經見若爲地建祖廟上天必降
向背之責帝從之 大曆三年七月增置崇玄學生滿

百人 七年二月光天觀道士檢校殿中監冲虚先生
申甫上言請下制戒天下道士增修道法許之 四月

甫又上言玄貞觀光天觀並載先帝聖謚請至諱日各
于其觀行香從之 八年正月勅天下寺觀僧尼道士

不滿七人者宜度滿七人三七以上者更度一七人三
七以下者更度三人 九年四月肅宗忌日度僧尼道

士凡二百餘人 十一月潤州上元縣石頭城新置大
曆太乙之觀選道士七人住持 十二年十二月詔天

下仙洞靈迹之處禁樵採 十三年七月新作乾元觀

置道士四十九人以追遠之福上資肅宗也其地馬璘卒時表獻遂命爲觀以乾元名焉帝誕日諸道爲老子浮圖解禱事常來請皆還之曰今軍旅未寧王畿戶口十不一在則諸寺寫經造像焚幣埋玉何以賞賚且飯比丘道士巫祝之流歲巨萬計陛下若以易芻粟減貧民之賦天下之福豈有量哉帝悅

德宗貞元五年三月詔自今州府寺觀不得容俗客居住屋宇破壞各隨事修葺

時姜公輔以直諫忤旨嘗詰陸贄求官贄密謂曰竇丞相嘗言爲公擬官屢矣上輒不悅公輔懼請爲道士

憲宗元和二年正月朔親薦享于太清宮六年上嘗與

宰相語及神仙李藩對曰秦始皇漢武帝學仙之效具載前史太宗服天竺僧長年藥致疾此古今之明戒也陛下春秋鼎盛勵志太平宜拒絕方士之說苟道盛德充人安國理何憂無堯舜之壽乎八年七月命中尉彭忠獻帥徒三百人修興唐觀賜錢十萬使壯其舊制其觀北距禁城因是開復道夫役之賜又以莊宅錢五十萬雜穀千石充道教之費九年二月內出道教神仙圖像經法舉以賜興唐觀十三年上好神仙詔天下求方士宗正卿李道古因皇甫鎛薦山人柳泌云能合長生藥泌言天台多靈草誠得爲彼長吏庶幾可求上以泌權知台州刺史諫官爭論奏以爲人主喜方士

未有使之臨民者上曰煩一州之力而能爲人主致長
生臣子亦何愛焉由是群臣莫敢言 十四年柳泌自
台州驅吏民採藥歲餘無所得懼而逃入山中浙東觀
察使捕送京師皇甫鏗李道古保護之上復遣待詔翰
林服其藥日加燥渴

時起居舍人裴濟上言曰除天下之害者受天下之利
同天下之樂者享天下之福自黃帝以及文武享國壽
考皆用此道也去歲以來所在多薦方士借令果有神
仙彼必深潛巖壑惟畏人知凡伺候權貴之門以大言
自銜竒伎驚衆者皆不軌徇利之人豈可信其說而餌
其藥耶夫藥以愈疾非朝夕常餌之物况金石酷烈有
毒又益以火氣殆非五臟所能勝也古者君飲藥臣先
嘗之乞令獻藥者先餌一年則真偽可辨矣上怒貶濟
爲江陵令

澤路節度使李抱真晚好神仙餌方士孫季良藥彌覺
困憊乃絕之季良曰佞得仙何自棄也乃復餌竟卒

穆宗長慶三年十二月以內庫錢一百貫賜太清宮道士
人一千 四年上餌金石之藥而疾作

時處士張臯上疏曰神慮澹則血氣和嗜慾勝則疾疹
作藥以攻疾無疾不可餌也昔孫思邈有言藥勢有所
偏重令人藏氣不平借使有疾用藥猶須重慎况無疾
乎庶人尚爾况天子乎先帝信方士妄言餌藥致疾此

陛下所詳知也豈得復循其覆轍乎上善其言而求之不已

敬宗寶曆元年八月幸蓬萊殿會沙門道士共四百人賜食兼給茶絹有差已已以道士劉從政爲檢校光祿少卿賜紫衣并號昇玄先生 二年道士趙歸直說上以神仙有潤州人周息元自言數百歲上遣中使迎至京師館之禁中山亭李德裕諫曰道之高者莫若廣成玄元人之聖者莫若軒轅孔子陛下修軒后之術物色其人若使廣成玄元混迹而至告陛下之言亦無出於此而慮今所得者皆迂恠之士使物淖水以小術欺聰明如文成五利者也又前世天子雖好方士未有其若者

故漢人稱黃金可成以爲飲食器則壽高宗時劉道合玄宗時孫甌生比能作黃金二祖不之服豈非以宗廟爲重乎儻必致真隱願止師保和之術慎毋及樂別九廟慰悅矣息元果誕謠不情自言與張果葉靜能游帝詔書工省狀爲圖以觀終帝世無他驗 三年三月命興唐觀道士孫準製長生藥署爲翰林待詔敬宗以四月被弒文宗立五月捕道士孫準等二十八人及佞僧惟真民服流于嶺表賜浙西送到絕粒女道士施于微紫衣一襲絹六百疋錢器二百事令中使送歸本州命內官張士清押領光順門進狀山人杜景先赴淮南浙西湖南嶺南等道訪求藥術之士仍賜景先衣一襲絹

三十疋 賜興唐觀錢二萬貫充道士劉從政修院
九月命兩街供奉道士趙常盈等四十八於三殿修三
羅大醮道場 十月以太清宮道士趙歸真充兩階道
門教授博士

京兆柳公綽節度武昌時有道士獻丹藥公綽問所從
來曰自薊門時朱克融方叛遽曰藥自賊境來雖驗何
益即棄藥而逐道士

磁州崔玄亮晚好黃老清淨術故所居官未久輒去

文宗太和七年八月命宣武軍節度使李程兼充亳州太
清宮使仍委漸加修葺以時致敬 開成二年正月召
麻姑山女道士龐德祖自錄其門留止王晨觀

武宗以開成五年五月即位二月勅十五日玄元皇帝降
生日宜為降聖節休假三日 會昌元年帝受法籙於

趙歸真拾遺王哲諫坐貶 三年四月築望仙觀於禁
中 四年以趙歸真為道門教授先生上好神仙歸真
得幸李德裕諫曰歸真敬宗朝罪人不宜親近上曰朕
宮中無事時與之談道滌煩耳至於政事朕必問卿等
雖百歸真不能惑也德裕曰小人見勢所在則奔趨之
旬日以來歸真之門車馬輻輳願陛下深戒之時歸真
以涉物論遂舉羅浮山道士鄧元超有長生術及元超
至與劉玄靜及歸真等膠固同毀釋氏于是拆寺之請
行焉

胡氏曰三教之名自其徒失本真而云然其謬尤之甚者道家是也儒以名學仁義道德之人自周有之佛者覺也為其道而覺則瞿曇之徒是也若夫道則以天下共由而得名猶道路然得道而盡惟堯舜文王周孔耳老聃之言獨善其身不可與天下共由也而名之曰道自漢以來失之矣其後乃有飛仙變化之術丹藥符籙之技禱祠醮祭之法沉淪鬼獄之論雜然並興皆歸於道家者流豈不遠哉

五年以衡山道士劉元靜為光祿大夫克崇玄館學士今與趙歸真居禁中修法籙左補闕劉玄謨上疏切諫貶玄謨為河南戶曹後玄靜固辭還山許之 十二月

初上餌方士金丹性加躁急喜怒不常自秋來已覺有疾而道士以為換骨乃詔罷正旦朝會賢如王氏見帝不豫每謂親近曰陛下日煉丹言我得不死膚澤油膩獨憂之 六年宣宗末十月帝受三洞法錄

宣宗大中十一年遣使迎道士軒轅集于羅浮山集至長安上問曰長生可學乎對曰王者屏欲而崇德則自然受天遐福何處更求長生留數月求還山許之 十三年太醫李元伯治丹劑以進帝餌之疽生于背崩懿宗立收元伯誅之

初帝問輔養術於韋澳澳具言金石非可御方士恠妄宜斥遠之不聽卒以此致殞

僖宗廣明二年初朝廷督高駢平賊駢縮氣悵恨部下多
散去鬱鬱無聊乃篤好神仙有方士呂用之坐妖黨亡
命歸駢駢信任之用之刻青石爲奇字曰玉皇授白雲
先生高駢密置道院香案駢得之驚喜用之曰玉皇以
公焚修功著將補真官計鸞鶴不日當降此際用之等
謫限亦滿必得陪幢節同歸上清耳用之又欲以兵威
脅制諸將請募驍勇二萬人號莫耶都駢即以張守一
及用之爲軍使置將吏如帥府慮人泄其奸謀乃謂駢
曰神仙不難致但恨學道者不能絕俗累故不肯降臨
耳駢乃屏姬妾謝人事賓客將吏皆不得見有不得已
見之必令先沐浴齋戒拜起纔竟已復引出

昭宗龍紀元年初劉巨容能燒藥爲黃金田令攷求其方
不與恨之至是見殺滅其族

哀宗天祐二年四月太清宮使柳璨奏修上清宮畢請改
爲太清宮從之 十月司天臺奏星文變現請于太清
宮建黃籙道場從之

時成德節度使王鏐以房山有西王母祠可求長生每
出遊連月不返

後唐 莊宗同光三年五月帝出師北門兩謁聖祖玄元
廟

明宗天成二年八月左補闕趙明吉上言天下宮觀久失
崇修其兩京宮觀有公田乞免科率俾充齋糧以給正

名道士從之 九月宗正卿李賞上言四方凡有玄元
皇帝宮殿處請依舊修飾從之 三年正月 中書奏玄
元皇帝降聖節舊休暇三日 會昌元年勅休假一日 伏
請準近勅從之 四年十二月勅所司于上清宮依舊
造牌額懸掛兼京城內全真觀仍改名崇道觀亦給換
牌額 長興四年七月帝遣豫小唐召道士二十人于
中興殿為金齋醮七日而罷

末帝清泰元年七月詔河中修五老觀

晉 高祖天福四年五月廢華清觀為靈泉觀 九月召
道士崇福大師張薦明錫以繒布 五年五月賜張為
明號通玄先生令以道德二經雕上印板命學士和凝

別撰新序冠于首卷頒行天下

漢 隱帝乾祐三年右補闕蘇德潛請禁止道士携妻孥
在道宮以汙清虛傷教法也

周 世宗仍稱顯德三年召華山隱士陳搏問以飛昇黃白之術

對曰陛下為天子當以治天下為務安用此為乃遣還
山仍令本州以時存問 五年六月出御衣六百餘事
錢四十萬羅穀百疋分賜兩階僧道令增修寺觀

蜀 蜀王建永平元年時唐天祐十年以道士杜光庭為諫議大

夫 綱發明曰既曰道士而俾以諫議名實自相戾矣
于光庭乎何誅

蜀主衍乾德五年慧出輿鬼司天監言國有大災詔于王

局觀設道場

閩 閩王璘永和元年以陳守元為天師建寶皇宮居之
守元誑璘曰寶皇命王小避其位後當為六十年天子
璘欣然遜位其子

閩王昶通文三年用陳守元言作三清殿于禁中以黃金
數千斤鑄寶皇老君像晝夜作樂焚香禱祀政事皆林
與傳寶皇命決之

南唐 唐王昇升元六年初唐王餌方士丹竅成躁急嘗
問道士王棲霞何術可致太平對曰王者治心治身乃
治家國今陛下尚未能去饑嗔飽喜何論太平至是疽
發背謂子璟曰始欲益壽乃更傷生汝宜戒之

續文獻通考卷之三百三十九終

續文獻通考卷之二百四十九

四十五

續文獻通考卷之二百四十九

皇明進士雲間王圻纂輯

仙釋考 歷代道家總紀下

宋

太祖開寶六年始禁道士不得畜妻孥

太宗太平興國六年薛居正因服丹砂遇毒方奏事疾作

掖歸中書已不能言但指廡間諸水器而已左右取水

至不能飲偃閣中吐氣如煙焰輿歸遂卒 九年華山

隱士陳搏入朝帝謂宰臣曰搏獨善其身不干勢利方

外之士也遣中使送至中書宋琪等從容問曰先生得

玄默修養之道可以教人乎搏曰搏山野之人于時無

續文獻通考卷之二百四十九

四百四十九

用亦不知神仙黃白之事吐納養生之理非有方術可
傳假令白日上昇亦何益於世今聖上龍顏秀異有天
日之表博達古今深沉治亂真有道仁聖之主也正君
臣協心同德興化致治之秋勤行修煉無出於此琪等
以聞帝益重之賜號希夷先生放還華山博靈州真源人嘗舉唐長
興中進士不第遂不復于祿以山水為樂因服氣辟穀
日飲水數盃而已歷二十餘年乃隱華山雲臺觀每寢
屢多百餘
日不起

真宗景德四年汀州黥卒王捷自言於南康遇道人姓趙
氏授以小環神劍蓋司命真君也宦者劉承珪以其事
聞賜快名中正是年五月十三日言真君降于其家之
新堂是為聖祖而祥瑞之事起矣 大中祥符元年正

月乙丑有黃帛曳左承天門南鷓尾上守門卒涂榮以
聞帝因謂群臣曰朕去年十一月二十七日夜將半方
就寢忽室中光曜見神人星冠絳衣告曰來月三日宜
于正殿建黃籙道場一月當降天書大中祥符二篇朕
悚然起對已復無見命筆識之自十二月朔即齋戒于
朝元殿建道場以貯神貺適觀皇城奏有黃帛曳左承
天門南鷓尾上帛長二丈許緘物如書卷纏以青縷三
道封處有字隱隱蓋神人所謂天書也王旦等皆再拜
稱賀帝即步至承天門瞻望再拜遣一內侍升屋奉之
下旦跪進帝再拜受之親置輿中導至道場授陳堯叟
啟封帛上有文曰趙受命曲終宋付于春居其器守於

正世七百九九逆緘書甚密挾以利刀方啟帝跪受復命堯叟讀之其書黃字三幅詞類洪範道德經始言帝能以至孝至道紀世次諭以清靜簡儉終述世祚延永之意讀訖帝復跪奉靚以所緘帛感以金匱改左承天門爲承天祥符門置天書儀衛扶侍使初帝自間欽若城下之言深以澶淵之盟爲辱欽若因曰惟有封禪泰山可以鎮服四海誇示外國然自古封禪豈得天瑞希世絕倫之事乃可耳既而又曰天瑞安可必得前代蓋有以人力得之者惟人主崇奉而深信之以明示天下則與天瑞無異也陛下謂河圖洛書果有耶聖人以神道設教耳帝沉思久之曰王日得無不可乎欽若曰臣諭以聖意宜無不可欽若乃乘間爲日言日昃勉從之帝尚猶豫會幸秘閣驟問直學士杜鎬曰古所謂河出圖洛出書果何事耶鎬老儒不測上旨漫應之曰此聖人以神道設教耳帝意遂決即召日欽權甚賜以尊酒曰此酒極佳歸與妻孥共飲之既歸發封則皆美珠也旦悟自是不敢復有異議而封禪之事成矣及得天書群臣入賀於崇政殿賜宴帝與輔臣皆蔬食遣官告宗廟天地社稷大赦改元群臣加恩賜京師酺五日欽若之計既行陳堯叟陳彭年丁謂杜鎬益以經義附和而天下爭言祥瑞矣獨孫奭言于帝曰以臣所聞天何言哉豈有書也帝默然三月天書復見于功臣閣

六月欽若言乙未泰山西南垂刀山上有紅紫雲氣漸成華蓋至地而散其日木工董祚於醴泉亭北見黃素帛曳林木上有字不能識言於皇城使王居正見其上

有御名以告欽若欽若具儀衛奉道至社首跪授中使馳奉詣闕帝御崇政殿趣召群臣曰朕五月內丙子夜復夢向者神人言來月上旬當賜天書於泰山宜齋戒祇受朕未敢宣露惟密諭王欽若等凡有祥異即上聞

今得其奏果與夢協上天眷祐惟懼不稱王旦等再拜稱賀乃迎奉安於含芳園之正殿帝齋戒備法服詣殿拜受之授陳堯叟啟封其文曰汝崇孝奉吾裔嗣廣福

錫爾嘉瑞黎庶咸知秘守斯言善解吾意國祚延永壽

歷遐歲請訖復奉以升殿於是群臣表上尊號曰崇文

廣武儀天尊道寶應章感聖明仁孝皇帝

作昭時天應宮

書初帝議即宮城乾地營昭應宮以奉天書召丁謂問之對曰陛下富有天下建一宮以奉上帝且所以祈皇嗣也群臣有阻陛下者願以此諭之已而王旦密疏諫帝果如謂所對蒼之旦不敢復言

九月以天書告於太廟已乃以天書置於朝元殿建道場且置行殿供物定儀仗凡千六百人

十月帝封泰山辛卯車駕發京師以玉輅載天書先道

二年加號聖祖為司命天尊以方士王中正為左武衛將軍

十月詔以正月三日為天慶節命天下立天慶觀以答神貺

五年作五嶽

觀以奉五嶽復改曰會靈 時天下又安王欽若自以
深達道教多所建明而丁謂附和之與陳彭年劉承珪
等蒐講陸典大修宮觀以林特有心計使為三司使以
幹財利時人目為五鬼 右諫議大夫謝泌好方外之
學疾革服道士服端坐而死 十月帝語輔臣曰朕夢
神人傳玉皇之命云先令汝祖趙玄朗授汝天書今令
再見汝翌日復夢神人傳聖祖言於吾座斜設六位以
候是日即於延恩殿設道場五鼓一籌先聞異香頃之
黃花滿殿聖祖至朕再拜俄有六人至揖聖祖皆就座
聖祖命朕前曰吾人皇九人中一人也是趙之始祖再
降乃軒轅皇帝後唐時復降王趙氏之族今已百年皇
帝善為撫育蒼生無怠前志即離座乘雲而去王曰聖
皆再拜稱賀詔告天下肆赦加恩命丁謂李宗諤陳彭
年率禮官等修崇奉儀注閏月上聖祖尊號曰聖祖上
靈高道九天司命保生天尊大帝聖母懿號曰玄天大
聖后遂加太廟六室尊號立先天降聖節遣官就南郊
及設昊天四位告之群臣上帝尊號曰崇文廣武感天
尊道應真祐德上聖欽明仁孝皇帝 十一月詔建康
軍鑄玉皇聖祖太祖太宗神像以丁謂為奉迎使奉安
於玉清昭應宮帝率百官郊謁又詔刻天書於宮以王
曰為刻玉使作景靈宮太極觀於壽丘以奉聖祖聖母
且詔天下天慶觀並增建聖祖殿而置二舞文曰發祥

流慶武曰降真觀德云 六年奉安聖像於玉清昭應宮 八月詔明年有事於太清宮亳州官吏老三千三百人詣闕請謁太清宮帝許之詔以來春親謁孫奭上言陛下事事效慕唐明皇豈以明皇為令德之主耶帝曰東封祀汾陰謁陵寢享老子非始于明皇且開元禮今世所循用不可以天寶之亂而非其禮作解疑論以示群臣 十二月帝享玉皇於朝元殿判亳州丁謂獻芝草二萬七千本遂詔扶侍使趙安仁等上奉天書車輅鼓吹儀獻天書於朝元殿遂告玉清昭應宮 七年車駕奉天書發京師至亳州丁謂獻白鹿一芝九萬五千本加號老子太上老君混元上德皇帝帝朝謁太

清宮遂詣亳城西朝拜聖祖新殿 十一月玉清昭應

宮成初議營工料功須十五年修宮使丁謂令以夜繼晝每繪一壁給二燭故七年而成凡二千六百一十楹制度宏麗屋宇少不中程式雖金碧已具劉承珪必令毀而更造有司莫敢較其費未幾帝親謁宮奉刻玉天書安於寶符閣 八年正月壬午朝謁玉清昭應宮奉表上玉皇聖號曰太上開天執符御曆含真體道玉皇大帝帝製誓文刻石宣於寶符閣下又製欽承寶訓述以示中外 賜信州道士張正隨號真靜先生初漢張魯子自漢中徙居信州龍虎山世以鬼道惑眾正隨其後也至是召赴闕賜號王欽若為奏立授籙院及上清

觀蠲其田租自是凡嗣世者皆賜號

丘氏曰漢張道陵之後前此未有賜以號也賜以號始於是自後凡嗣世者皆賜以先生號然無階品至胡元乃封爲真人給以銀印秩三品始有階品矣

天禧元年帝詣玉清昭應宮上玉皇及聖祖寶冊宰相讀天書於天安殿三年巡檢朱能挾內侍都知周懷政詆爲天書置於乾祐山時寇準判永興軍以聞詔迎入禁中中外皆識其詐帝獨信之八月大會道釋於天安殿以天書再見會道釋凡萬三千八十六人乾興元年葬真宗於未定陵以天書殉

初女道士劉德妙嘗以巫師出入丁謂家謂欺遠繫德妙侍鞠之德妙具言謂嘗教之曰汝所爲不過巫事不若託老君言禍福足以動人於是即謂家設神像夜醮於園中雷允恭數至請禱及真宗崩引入禁中又因穿地得龜蛇令德妙持入內給言出其家山洞中仍教云上即問若謂事何知爲老君第云相公非凡人當知之謂又作頌題曰混元皇帝賜德妙語涉妖誕既謂爲崖州司戶居崖州專事浮屠因果之說

仁宗天聖八年玉清昭應宮災太后泣對大臣曰先帝遵天奉道故竭力成此宮一夕延燎幾盡惟長生崇寧二小殿存耳何以稱遺旨哉范雍抗言曰不若悉燔之也先朝以此竭天下之力遽爲灰燼非出人意如因其所

存又將葺之則民不堪命矣非所以祇天戒也中丞王
曙亦言王清昭應宮之建非應經義願除其地罷諸禱
祀以應天變乃下詔不復繕修以二殿為萬壽觀罷諸
宮觀使 明道二年真宗女衛國大長公主初入道號
清虛靈照大師 八年賜信州大士張乾耀號澄素先
生

時孔道輔為寧州推官有蛇出真武像中一郡以為神
州將率官屬往拜欲上其事道輔以笏擊蛇碎其首觀
者初大驚後皆嘆服

神宗時尚書左丞蒲宗孟好崇道術遺書蘇軾謂得其精
要軾答曰道家之法慈儉為本恐公未信也宗孟侍

千餘日殺猪十羊十夜燒燭二百枝故軾以此戒之

徽宗崇寧二年賜信州龍虎山道士張繼元號虛靖先生
方士魏漢津年九十死於京師賜號嘉成侯 政和三
年作玉清和陽宮奉安道像 九月賜方士王老志號
洞微先生王仔昔號通妙先生老志濮州人初為小吏
遇異人授以丹遂棄妻子結草廬田間為人言休咎多
驗太僕卿王曾以名聞時帝方向道術乃召至京師館
於蔡京第緘書一封至帝所啟視乃昔歲秋中與喬劉
二妃燕好語也由是益信之號為洞微先生朝士多從
求書初若不可解者卒應者十八九仔昔洪州人初隱
於嵩山自言遇許遜得石洞隱書豁落七元之法能道

人未來事蔡京薦之帝召見賜號冲隱處士篆符有驗
進封通妙先生又徐知常賜號冲虚先生徐守信賜虚
靜先生劉昆康賜葆真觀冲和先生後並贈大中大夫
由是道家之事日興矣 十一月帝南郊以道士百人
執威儀道前王輅出南薰門帝忽曰王津園東若有樓
臺重復是何處也蔡攸即奏見雲間樓殿臺閣隱隱數
重既而審視皆去地數十丈頃之帝又曰見人物否攸
即奏有道流童子持幡幢節蓋相繼而出雲間眉目歷
歷可識遂以天神降詔告在位即其地建道宮名曰迎
真作天直降臨示現記由是益信神仙之事 十二月
詔求道經仙經於天下 四年正月置道階時王老志

王仔者徐知常等得幸遂置道階先生處士等名秩比
中大夫至將仕郎凡二十六級後又置道官二十六等
有諸殿侍宸校籍校經以擬待制修撰直閣之名焉
六年正月賜方士林靈素號通真達靈先生
靈素温州人少從浮屠苦其師笞罵去為道士善妖幻
往來淮泗間丐食僧寺僧苦之及王老志死王仔者
寵衰帝訪方士於左階道籙徐知常以靈素對即
召見靈素大言曰天有九霄而神霄為最高其治曰府
神霄玉清王者上帝之長子主南方號稱長生大帝陛
下是也既下降於世其弟號清華帝君者主東方攝領
之又有仙官八百餘名今蔡京即左元仙伯王黼即文

華史盛章王革即園苑寶華史鄭居中童貫等皆有名而已即仙鄉褚慧下降佐帝君之治時劉貴妃方有寵靈素以爲九華玉真安妃帝心獨喜其事甚加寵信改温州爲應道軍靈素本無所能惟稍習五雷法召呼風霆間禱雨有小驗而已 閏正月立道士學從林靈素之言也尋詔辟雍各置內經道德經莊列傳士二員又用蔡京言集古今道教事爲紀志賜名道史 作上清寶籙宮成初帝以未得嗣子爲念道士劉混康以法籙符水出入禁中建言京城西北隅地協堪輿儻形勢加少高當有多男之應始命爲數仞岡阜已而後官生子漸多帝喜甚始信道教於是蔡攸倡爲異聞謂有珠星

壁月跨鳳乘龍天書靈篆之符以逢迎之遂竭國家之力以經營土木之工及聞林靈素之言復於景龍門對晨暉門作上清寶籙宮密連禁署宮中山包平地環以佳木清流列諸館舍臺閣多以美材爲楹棟不施五彩有自然之勝上下立亭宇不可勝計帝時登皇城下視之由是開景龍門城上作複道通寶籙宮以便齋醮之事 九月帝奉玉冊玉寶如玉清和陽宮上玉帝尊號曰太上開天執符御曆含真體道昊天玉皇上帝詔天下洞天福地修建宮觀塑造聖像又上地祇徽號曰承天效法厚德廣太后土皇地祇上寶冊儀禮一如上帝尋改玉清神霄宮又置神霄九鼎安置於上清寶籙宮

八及緇流對秀

之神霄殿 七年二月詔改天下大寺為神霄玉清萬壽宮院為觀設長生青華帝君像置道學科始給道士俸每一觀給田不下數百千頃凡設大齋輒費緡錢數萬貧下之人多買青布幅巾以赴日得一飲餐而觀施錢三百謂之千道會且令士庶入聽講經帝為設幄其側靈素據高座使人於下再拜請問然所言無殊絕者時時雜以滑稽媒語上下為大闕笑莫有君臣之禮復令吏民詣宮授神霄秘籙朝士嗜進者亦靡然趨之四月帝諷道籙院曰朕乃上帝元子為太霄帝君閭中華被金狄之教遂懇上帝願為人主令天下歸於正道卿等可上表章勅朕為教主道君皇帝於是道籙院上

表冊之然止於道教章疏內用

劉定之曰佛本夷狄之人而其徒謂佛之身體面貌皆若金色徽宗所謂中華被金狄之教者指佛教而言也然其言可謂妖矣未幾女真起自夷狄建號大金覆蕩中華斯言若為先兆也

十二月帝言天神降於坤寧殿詔示百官帝惑於靈素之言建宮觀徧天下又造清華帝君正書臨壇及火龍神劔夜降內宮之事托天神降臨造帝誥天書雲篆務以惑世欺眾其說妄誕不可究習宦者道士有所不快必託為帝誥則莫不如志尋加靈素號通真達靈元妙先生張虛白通元冲妙先生視中大夫出入呵引至與

諸王爭道都人稱曰道家兩府其徒美衣玉食者幾萬人時方士王仔昔倨傲而懣帝待以客禮故遇宦侍若童奴又欲群道士皆宗已林靈素忌之乃與宦者馮誥誣以怨望下獄死 八年九月帝用方士言鑄神霄九鼎成鼎名曰太極飛雲洞劫之鼎蒼壺祀天貯醇酒之鼎山嶽五神之鼎精明洞淵之鼎天地陰陽之鼎混沌之鼎靈光晃耀煉神之鼎浮光洞天之鼎蒼龜火蛇蟲魚金輪之鼎奉安於上清寶籙宮之神霄殿 宣和元年正月詔更寺院為宮觀林靈素欲盡廢釋氏以逞前憾請於帝改佛號大覺金仙條為仙人道士僧為德士易服飾稱姓氏寺為宮院為觀改女冠為女道尼為女

德尋詔德士並許入道學依道士之法 二年二月罷道士學 林靈素有罪放歸田里靈素初與道士王允誠共為神恠之事後忌其相軋毒殺允誠遂專用事及都城水帝遣靈素厭勝方步虛城上役夫爭舉挺擊之走而免帝始厭之然橫恣愈不浚遇皇太子弗斂避太子入訴於帝帝怒以靈素為太虛大夫斥還故里命江端本通判温州察之端本廉得其居處過制罪詔徙之楚州命下而靈素已死遺奏至猶以侍從禮葬焉 六年都城中酒保朱氏女忽生髭長六七寸疏秀甚美宛然一男子詔度為道士 時清虛冲妙先生張虛白卒命宣撫使童貫祭葬建祠於終南

高宗時召孫寂然赴闕以符水稱旨勅度道士十人

趙道一真仙體道通鑑序曰白海瓊先生曰晉抱樸子作神仙傳所紀千有餘人劉綱法師復綴一千六百爲續仙傳宋朝王太初集仙者九百人爲集仙傳宣和間考古校今述所得仙者五萬人謂之仙史盛矣哉太上無爲之教也每觀超俗至士潔已高人或孝子忠臣或烈婦貞女傲節於清虛之地游心於玄妙之鄉欲隱晦以韜光慕超凡而躋聖故乃嚼渾沌握洪濛餌日月之精參天地之化澡心而浴性養素以存真探虛無以爲立鼎之根基究妙有以爲煉丹之藥物鉛升汞降賴水火以烹煎虎躍龍騰仗陰陽而制伏故有金翁姹女之

號黃婆丁老之稱是皆修煉之祕事昇玄之密旨也太上垂教字曰金丹得人則傳誓明授受其始也煉精爲氣煉氣成神煉神合道以至群陰剝盡體變純陽身外有身胎仙變化方曰丹圓九轉法契大成以積陰功而至三千修德行而逮八百大一符召移居蓬島之間上帝詔徵飛步大羅之境其次功行則四種尸解百變神遊更且師資有殊修習不一或念經持咒飲水吞符或存思運用嚙津服氣或餌草木之藥或烹金石之丹萬法千門總歸一道所謂處處垂楊堪繫馬家家有路到長安然淮南煉金丹該括萬化如遵正路如水朝宗故凡尸解飛昇莫不由此超度方其修煉之時也忘世榮

華甘心寂澹灰頭垢面破服弊衣或露宿而雨眠或松
餐而澗飲或和光而混俗或厭世而避塵散處山林徧
遊湖海宴息洞府涉覽世途其庸輩凡流輕耳賤目者
以告稚甲以諭乙此貧道人也此丐子流也近之者轉
身覩之者回盼其有能尊而事之者幾希有如貴宦者
恃圭爵以爲高富豪者懷金貨以爲重其笑而耻爲之
似者紛紛皆是矣及其潛功外修精心內煉乘雲馭氣
策空駕浮名紀上清身栖碧落則旒冕屈尊而下拜金
紫仰慕而嚮心吁吾於道又何損益哉惟我元始天尊
在昔大浮黎十寶珠說經都竟天人廓散十方當此之
時道成群黎因道成有茂開劫運啟迪直風遠至上

道君太上老君繼演斯玄迭振其化一暨我昊天上帝符
曆開極真道疑虛梯級群仙陶冶董穎白日飛昇之士
尸解神變之人自古迄今益盛而益隆也愚者一介渺
微苦耽玄學欲希度世頗厭俗紛常觀儒家有資治通
鑑釋門有釋氏通鑑惟吾道教斯文獨闢曰海瓊先生
之所謂傳所謂史皆不見行於世間因錄集古今得道
仙真事跡究其踐履觀其是非論之以大道而開化後
人進之以忠言而皈依太上務遵至理不詫虛文但真
仙玩世顯少隱多其所留名百不逮一且傳記行藏每
有聞見之先後蹤跡變化難以次叙而鋪舒是故不可
例世間作史編年紀事論也如得一名真仙證道須是

續文獻通考 卷之三百四十一
詳審校定嚴行筆削不敢妄書庶幾剖判仙凡垂名者
貴人間天上普見愚衷惟萬劫至人上士鑒之焉

遼太祖九年君基太乙神數見詔圖其像 神冊三年太祖

初建 詔建道觀

金章宗明昌二年禁以太乙混元受籙私建庵室者 承

安元年幸天長觀建普天大醮禁屠宰七日無奏刑百

司權停決罰 六月勅自今大德不限年甲許度弟子

二人其道士女冠不許 泰和元年幸玉虛觀

元憲宗元年以道士李真常掌道教事 戊午歲詔釋道

辯析化胡經

世祖中統二年五月遣王祐于西川等路採訪道士 七

月命煉師王道歸真定穿道觀賜名玉華 三年十一

月以星變勅長春宮設金符周天醮 至元元年三月

設周天醮于長春宮 三年四月勅道士祈福于中都

觀 五年九月勅長壽宮修設金符周天大醮七晝夜

七年九月勅道士有家室不持戒律者占籍為民

十二月禁道士冒據民田 十一年正月長春宮設周

天金籙醮七晝夜 十二月賜太乙真人李居素第一

區仍賜額曰太乙廣壽萬福宮 十二年四月遣兵部


郎中王世英刑部郎中蕭郁持詔召嗣漢四代天師

張宗演赴闕 七月詔遣使江南搜訪儒醫僧道陰陽

人等 漢天師世家敘曰漢唐至宋初帙失無攷此自

繼先始繼先在宋徽宗時一日隨上入寢殿宮嬪競以
 扇求書繼先以經語書之皆密契其意中舉一握稽首
 書曰保鎮國祚與天長存乃上所御也上竒之命禱雨
 三日乃止授太虛大夫詔江東漕臣即山中度地遷建
 上清觀改為上清正一宮靖康初上復召值金人犯汴
 行至泗州天慶觀索筆寫詩隱几而化葬於龜山之麓
 後十六年西河守薩堅遊青城山相遇於峽口繼先以
 書一封赤烏一隻令達嗣天師家嗣天師大驚使人啟
 龜山之變惟一烏存繼先無嗣以象中之孫時修嗣時
 修生正應先生守直守真在毋懷歷十九月始在毗陵
 有妖憑樹詔劾之一夜風雷拔去後定濤江衝决高宗

賜以象簡寶劍清淨陰符二經守直生景淵景淵生慶
 仙張公洞有井甚深慶仙戲折木葉擲之俄波濤騰湧
 有一老翁從中出慶仙呵戒之而去慶仙無子從子妙
 觀先生可大嗣可大守直之曾孫其祖伯瑀父天麟皆
 嘗攝教事鄱陽水漲壞民廬無筭哀甫請可大治之厥
 死大白蛇水遂平尋又遇旱蝗可大崇之雨作而蝗殪
 勅受提舉三山符籙兼御前諸宮觀教門公事主領龍
 翔宮時當宋季元世祖聞其神異密遣間使訊之可大
 授以靈詮且謂使者曰善事爾主後二十年當混一天
 下逮至元十三年果驗可大生宗演字世傳世祖平宋
 憶其父言有徵遣兵部郎中王世英刑部郎中蕭郁賈



續文獻通考 卷之三百四十一 徐
詔召之賜王冠王圭加以靈應冲和真人之號仍給三
品銀印今主江南道教事得自出牒度人為道士宗演
生與棣字國華世祖時宣授體元弘道廣教真人賞賚
優渥卒於京師與棣無子弟與材嗣與材字國梁元貞
初入見大明殿制授太素凝神廣道大真人大德二年
海鹽鹽官兩州潮水大作沙嶼百里蝕齧殆盡與材投
鐵符於水符湧躍出者三雷雷晦冥纖怪物魚首龜身
其長丈餘堤復故五年冬無雪上曰冬無雪民間得無
有以害乎與材建壇禱之是夜雪下盈尺上大喜命近
臣賜酒曰卿能感神明一至此耶八年錄平潮功加授
正一教主兼主領三山符籙給以銀印視二品九年崇

明州海隄崩俾弟子持符往効之民夢有神填海者遂
安至大初加賜寶冠金服制授金紫光祿大夫封留國
公給以銀印視一品與材生太玄字嗣成卒弟嗣德嗣
嗣德卒子正言嗣正言卒太玄之子正常嗣

按道家有三正一教者龍虎山張氏所傳是也真大道
教者始自金季道士劉德仁其教以苦節危行為先而
不妄取于人不苟侈于己五傳至酈希誠居燕京天寶
宮見知于憲宗始名其教曰真大道授希誠太玄真人
至元五年世祖命其徒孫德福統轄諸路真大道錫銅
章二十年改銀印又三傳至張志清授演教大宗師凝
神冲妙玄應真人志清事親孝尤耐辛苦制行賢峻東

海珠牢山舊多虎志清結茅居之虎皆避徙然頗爲人
患志清曰是吾奪其宅也遂去之後居臨汾適地大震
壓死者甚衆獨志清所居裂爲二無少損焉志清乃徧
巡木石間聽呻吟聲救活者甚衆朝廷重其名給驛致
之掌教事志清舍傳徒步至京師深居簡出人或不識
其面貴人達官來見率告病伏卧不起至於道德縉紳
先生則納屣杖履求見不以爲難時人高其節至畫爲
圖以相傳太乙教者始金天眷中道士蕭抱真傳太乙
三元法籙之術因名其教曰太乙世傳爲蕭道輔五傳
爲李居壽至元十一年建太乙宮于兩京命居壽居之
領祠事且禮祀六丁以繼太保劉秉忠之術十三年賜

太乙掌教宗師印此太乙道教又異于兩家者也

十三年六月召嗣漢天師張宗演赴闕 十四年正月
賜嗣漢天師張宗演演道靈應冲和真人領江南諸路
道教旋命修周天醮于長春宮宗演還江南以其弟子
張留孫留京師 十五年五月勅張留孫江南諸路道
教都提點 七月建漢祖天師正乙祠于京城詔張留
孫居之 十六年二月詔諭京師張留孫悉主淮東淮
西荆襄等處道教 五月命張留孫即行宮作醮事奏
赤章于天凡七晝夜 十月以月直元辰命五祖真人
李居壽作醮事奏赤章凡五晝夜 勅封杜雲隱爲普
惠廣化真人提調沿江諸廟事真人洞庭湖廟祝也能

知水面風波與人語輒驗江南湖北肅政廉訪使伯顏
上其事於朝故特封之 十二月勅自明年正月朔日
建醮于長春宮凡七日歲以為常

世祖居潛邸時憲宗有旨令僧道二家同詣上所辯析二
家自約道勝則僧冠首而為道僧勝則道削髮而為僧
既而僧家勝上遣近臣脫懽將道者樊志應等十有七
人詣龍光寺削髮為僧焚偽經四十五部天下佛寺為
道流所據者二百三十七區悉命歸之 十七年二月
有言道家偽經尚存者詔諭真人祈志誠等焚毀道藏
偽妄經史及板 七月遣中使咬難歷江南名山訪求
高士且命持香幣詣信州龍虎山臨江閣皂山建康三
茅山皆設醮 十月詔龍虎山天師張宗演赴闕 十

二月以三茅上清四十三代宗師許道杞祈禱有驗命
別王道教 十八年二月詔三茅山三十八代宗師蔣
宗瑛赴闕 三月命天師張宗演即宮中奏赤童于天
五晝夜 七月命天師張宗演等即壽寧宮奏赤童于
天五晝夜 十月樞密副使張易等參校道書奏惟道
德經係老子親著餘皆後人偽撰宜悉焚毀從之 十
一月召法師劉道真問祠太乙法 十九年十月勅河
西僧道也里可溫有妻室者同民納稅 二十一年十
二月祠太乙 二十四年二月遣使持香幣詣龍虎閣
皂三茅設醮召天師張宗演赴闕 二十五年十一月

命天師張宗演設醮三日 二十七年二月順州僧道
士四百九十一人饑給九十日糧 二十八年正月命
玄教宗師張留孫置醮祠星三日 二十九年正月以
漢天師張宗演男與棣嗣其教召赴闕 三十年四月
勅毀江南諸道觀及聖祖天尊祠

成宗元貞元年二月賜駙馬那懷鈔萬五千錠修醮延壽
閣賜天師張與棣宗師張留孫宗人張志仙等十三人
玉圭各一 七月詔易河南諸路天慶觀為玄妙觀毀
所奉宋太祖神主 二年正月授嗣漢三十八代天師
張與材太素凝神廣大真人管領江南諸路道教 二
月詔江南諸路道士貿易田者輸田租稅 六月詔道

士犯姦盜重罪者聽有司鞠問 十一月禁道士燒香
鑛灰山場 十二月平童孛羅歡等請汰僧道有妻子
者為民詔令議擬以聞 大德七年十二月加封真武
為元聖仁威玄天上帝 以吳全節為江淮荆襄等處
道教都提點贈封其祖父母時元帥田守璋薦劉道通
學仙術曉符籙法治疾效賜號清淨真人 八年四月
命僧道為商者輸稅 五月以平陽太原地震宮觀摧
圮者千四百餘區道士死傷者千餘人命賑恤之 六
月汝寧妖人李曹驢等妄言得天書惑眾事覺伏誅
九年二月免天下道士賦稅 十二年武宗已即位九月命
張留孫知集賢院事領諸路道教事 十二月詔僧道

並依舊制納稅

仁宗延祐三年十二月授嗣漢三十九代天師張嗣成大

玄輔化體仁應道大真人王領三山符籙掌江南道教

事 七年五月時英宗已即位監察御史請罷僧道濫爵御史

劉恒亦請奪僧道官不從 七月以水災命玄教宗師

張留孫修醮事于崇真宮 八月河南道士李天祥坐

教人兵藝杖之 十二月以天壽節豫遣使修醮于龍

虎山 至治元年六月龍虎山道士張嗣成來朝授太

玄輔化體仁應道大真人 七月邵陽道士劉志先以

妖術謀亂捕誅之 二年正月鳳翔道士王道明妖言

伏誅 五月以吳全節為玄教大宗師特進上卿 十

一月真人蔡道泰殺人伏誅 十二月掌道教張嗣成

吳全節監道元各三授制命銀印詔奪其二 三年十

二月時泰定已即位命道士吳全節修醮事

泰定帝泰定元年十月命道士修醮事 二年二月領道

經于天下名山宮觀 加嗣漢三十九代張嗣成太玄

輔化體仁應道大真人 三月命道士祭五福太乙神

七月遣使代祀龍虎武當二山 三年四月遣道士

吳全節修醮事于龍虎三茅閣皂三山 八月長壽宮

道士藍道元以罪被黜詔道士有妻者悉給徭役 十

月以天壽節遣道士祀衛輝太乙萬壽宮 四年七月

籍僧道有妻者為民 九月禁僧道買民田違者坐罪

沒其直 致和元年五月禁道士匿商稅

文宗天曆元年十月勅天下道士有妻者皆勒為民 二

年四月括江淮道士餘糧以賑饑民 八月遣道士苗

道一吳全節修醮事于京師 九月封故領諸路道教

事張留孫為上卿大宗師輔成贊化保運神德真君

十月命道士苗道一建醮于長春宮 十一月明宗后

八不沙請為明宗資冥福命道士建醮于玉虛太乙天

寶萬壽四宮及武當龍虎二山 至順元年正月制道

士輸已粟入官者加以師號 閏七月鑄黃金神仙符

命印賜掌全真教道士苗道一 二年二月召亳州太

清宮道士馬道逸汴梁朝天宮道士李若訥河南嵩山

道士趙亦然各率其徒赴闕修普天大醮

順帝元統二年禁私剏寺觀庵院僧道入錢五十貫給度

牒方聽出家 至元二年四月遣使以香幣賜武當龍

虎二山 三年四月遣使降香于龍虎三茅閣皂諸山

五月加封文始尹真人為無上太初博文文始真君

徐甲為垂玄感聖慈化應御真君庚桑子洞靈感化超

蹈混然真君文子通玄光暢昇元斂誘真君列子冲虛

至德遁世遊樂積莊子南華至極雄文弘道真君 至

正二年六月命江浙撥賜僧道田還官徵糧以備軍儲

十二年五月命龍虎山道士張嗣德為三十九代天

師給印章 十五年江浙省臣奏請寺觀撥賜田糧盡

行拘收從之

時玄教宗師董公上劉真人所傳丹經制贈疑妙靈應真人

皇明

太祖洪武元年以張正常為真人去其舊稱天師之號

上謂群臣曰至尊惟天豈有師也以此為號褻瀆其矣

遂命去其正一教主天師之稱改天師印為真人印

扶正二品其僚佐曰贊教曰掌書制曰朕惟道家者

流本於清淨無為其來已久張氏自漢而下宗派相承

爾四十二代孫正常存心冲澹葆德純和遠紹祖傳以

守正一朕用嘉之賜以名號爾其益振宗風永揚玄

教可正一嗣教護國闡祖通誠崇道弘德大真人領云

下道教事三年庚戌太祖召學士宋濂至諭之

曰古之帝王當宴安之餘多好神仙以朕言之使國治

民安心神恬康即神仙也濂對曰漢武好神仙而方士

至梁武好佛而異僧集皆由人主篤好故能致之使移

此心以求賢輔天下其有不治者乎太祖嘉納之

五年壬子令給僧道度牒僧錄道錄司造周知冊頒行

天下寺觀凡遇僧道即與對冊其父兄貫籍告度日月

如有不同即為偽僧防奸偽也漢張胃元綱六年癸

丑令各府州縣止存大寺觀一所併處其徒擇有戒行

者領之若請給度牒必考試精通經典者方許十五

年壬戌冬十二月改善世院為僧錄司玄教院為道錄
 司俱正六品僧錄司設左右善世闡教詞經名義職專
 掌釋教事置于在京天界寺僧有三等曰禪曰講法曰
 瑜珈司則府曰僧綱司州曰僧正司縣曰僧會司凡各
 僧人俱統于所司道錄司設左右正一演法至靈玄義
 專掌道教事置于在京朝天宮道士有二等一日全真
 二曰正一司則府曰道紀司州曰道正司縣曰道會司
 凡各道士俱統于所司二司俱屬禮部本司選用並不
 給俸著為令 二十四年辛未 勅禮部清理釋道曰
 佛本異教漢時至自西域當時土民崇敬後有去鬚髮
 舍兒童出家者其修行則夫色相絕嗜欲焚身為善道

教始老子至漢張道陵以異術攝召鬼神御災捍患二
 教立世久不磨滅者以此今學佛老者皆不循其本俗
 違教敗行為害甚大自今天下僧道凡各府州縣寺觀
 雖多但存其寬大可容衆者一所併居之毋雜處於外
 與民相混違者治以重罪親故相隱者流願還俗者聽
 其佛經番譯已定毋得增減道士設齋醮毋奏拜青詞
 各遵頒降科儀安立條章民有效瑜珈教稱善友假張
 真人名私造符籙者並重治天下僧道有剽立菴堂寺
 觀非舊額者悉毀之 二十八年有道士以道書獻
 上却之侍臣請留觀之或有可取 上曰彼所獻書非
 存神固氣之道即煉丹燒藥之說朕焉用此朕所用者

聖賢之道所需政治之術將躋天下生民於壽域豈獨
 一已之長生久視哉苟一受其獻迂誕怪妄之士必爭
 來矣故却之毋為所惑 三十四年辛巳建文秋限僧
 道田人五畝從戶科給事中陳繼之之議也 勅禮部
 曰朕聞釋道之教其來久矣本以清淨空幻為宗超世
 離俗為事近代以來俗僧鄙士貪着自養殖貨富家其
 至田連阡陌本欲以財自奉然利害相乘迷不知覺既
 有饒足之利必受官府之擾况因此不能自守每罹刑
 憲非惟身遭僇辱而教亦隳焉夫佛道本心陰翊王化
 其功弘多至干末運所習本乖蠹蝕教門致使訕毀肆
 行貽累厥初朕甚憫之原其官教之端實自田始今天

下寺庵宮觀除原無田產外其有田者每僧道一人各
 存田五畝免其租稅以供香火之費餘田盡入官有佃
 戶者佃者自承其業無佃戶者均給平民如舊田不及
 今定數者不增若有以租業及歷代撥賜為詞告言者
 勿理如原係 本朝撥賜者不在此例凡僧道一應丁
 役並免其有自相告訐爭訟非干軍民者聽其本教衙
 門自治若致傷人命及干軍民詞訟者仍聽有司受理
 其入理訟有司者不許仍服僧道冠服洪武年間已有
 清理及開設門榜文當申明遵守教規化緣者不在禁
 限非奉 朝命不許私竊籍剃年未五十者不許為尼
 及女冠嗚呼多歲厚亡老氏攸戒除欲去累大覺所珍

利欲減則善心生善人多則風俗美欽茲定制永底太平遂定銓選法通類覆奏

宣宗宣德中封高道劉淵然為冲虛至道玄妙無為光範衍教莊靖普濟長春大真人

孝宗弘治十四年辛酉有旨差中宮往武當山設像掛幡修舉醮事大學士劉健率同官上言近日命臣等撰勅并祝文竊聞茲山宮觀像設已極壯麗若復差官實為無益矧今災異迭出生民困苦苗賊肆亂軍旅方興糧餉供餽猶恐不給君門萬里豈能知悉宜去邪妄以遏無良從之十七年甲子有旨欲於朝陽門外修壽塔劉健又率同官上言臣等竊惟人主信佛

莫梁武帝為甚卒饑死臺城信老莫宋徽宗為甚卒囚楚虜地本以求福反以致禍觀往事可為明鑒我祖宗相傳以治天下者堯舜周孔之道而已似此異端蠹財惑衆何關於治欲造佛塔非所以訓天下垂後世也未幾又令撰真人杜永祺等誥命及封號健即率同僚上言竊惟異端不信誥命封號不當與夫誥命朝廷所以獎貞勵能雖卿士大夫必待秩滿考最乃得頒誥况祖宗廟號不過十六字親王及文武大臣有功德者謚號止一二字此輩何賢何能封號多至十八字流布朝野傳聞後世皆曰此朝廷所給予儒臣所擬撰也天下後世其謂之何奏入皆報罷

世宗嘉靖九年科臣高金因劾姚廣孝配享遂上言請革方士邵元節李得晟二真人號上怒曰真人封號已久何以至今始言必有嗾之者其逮訊之禮官言撤廣孝以正祀典容元節以隆祈禳皆國典之大者上悅金獄少解十二月癸巳秋八月原任朝天道錄司左玄義張振通有罪繫獄仍賞之振通福建閩縣人幼嘗業儒書早失父因入京依親禮部林郎中頗識老子錄得爲左玄義正德十六年夏奉詔裁革回籍作中興詩二十首天降寶露詩一首白鵲呈祥詩二首白兔獻瑞詩一首金臺八景詩九首武夷九曲詩十一首皇陵八詠詩八首輔臣贊駕詩一首共一冊至是入奏

且云矜其愚不錄其咎當萬幾之暇曲垂采覽益加

宸翰賜臣前序下廷臣議時禮部尚書夏言論其先因夤緣冒濫陞職猥以鄙賤塵瀆宸嚴至欲請乞

宸翰賜之序文尤屬狂悖之極究其用心無非呈伎眩名希圖叙用上怒詔送法司提問時論快之

十四年上於獻皇誕降宮中建啟祥宮以伸永慕又爲清虛欽安二殿以祀真武爲天一門以嚴塵瀆

封邵元節爲清微妙濟守靜修真凝玄衍範志默秉誠致一真人禮部尚書兼管朝天顯靈靈濟三宮摠領道教事先是封陶仲文爲神霄紫府闡範保國弘烈宣教振法通直忠孝秉一真人特進光祿大夫柱國恭誠

伯兼管三宮摠領道敎事加特進光祿大夫柱國兼大學士俸廕一子尚寶司丞時徽王厚爵遼王憲節亦自乞封真人授黃金印其印特大於國封之寶賜邵元節蟒衣玉帶卒謚文康榮靖道士陶仲文以伯禮葬亦謚榮康惠肅壽皆八十二而四字謚千古所無二人偕得之隆慶初年同日削奪二十二年方士段朝用以黃白術干郭勛因得薦進用遂封紫府宣忠高士既而授羽林衛百戶久之伎窮反索勛賄撲死勛奴乃上書竄奏上怒收繫獄論死竟貫之時陶真人得幸其子陶倣進九白堯肚香袍又陶世恩進小涸丹劉文彬進經驗仙丹玉兆先進五色龜芝又進百花酒以

煖丹田申世文進天水生元丹高守中進三元丹皆屬附房術諸人俱以方士致通顯世宗晚年鬚眉脫落及至大漸丹毒並作殊可痛恨三十九年冬十月兵部尚書許綸獻家藏白玉蟾真蹟一卷四十年夏四月分遣御史王大任姜倣往天下訪仙術異人及符篆秘方是年十二月營萬壽宮為齋醮之所自壬寅以後上嘗居顯法宮玄都殿湫隘不稱欲建萬壽宮以居閣臣徐階袁煇受旨而以侍郎朱衡董之盡括諸部積帑晝夜兼工三月而成有壽源萬壽太玄仙禧諸殿宏麗甲于諸宮上大悅命階兼支尚書大學士俸廕一子中書舍人煇加少保四十三年秋七月王大

任姜倣以異書復命進侍講學士 四十四年胡大順
進萬壽全書及清霞玉粉丸大順陶仲文徒也既歸乃
撰萬壽全書一帙稱呂祖以箕授者及黑鉛取白先天
水銀煨成青霞玉粉之丸命子玉玄與何廷玉因道士
藍田王羅萬象以通內監趙楹獻之 上問曰既云箕
書扶箕者何在田王遂詐 旨徵大順入求見 上悟
曰朕未嘗召安得輒來 詔錦衣衛訊之楹即密疏置
殿楹中力為申解 上怒 命司禮監并鞫得詐傳狀
皆論斬楹斃于獄

穆宗隆慶元年正月方士王金等下獄論死金初以修煉
術緣真人陶仲文子世恩希求恩澤乃偽造五色靈龜

靈芝以為天降瑞徵又與世恩及陶倣劉文彬申世文

高守中偽造諸品仙方養老新書七元天擒護國兵策
又以金石藥進 御倣得遷太醫院使世恩太常寺卿
金太醫院御醫文彬太常寺博士至是以 遺詔逮金
等鞫問遂皆伏法 四月科道官辛自修王好問等各
疏言尚書徐可成黃冠雜流侍郎郭文英匠作鄙役本
士論所不齒而尚書顧可學以方術侍郎朱隆禧以藥
物並冒 恩寵尤大得罪於名教侍郎張電以儒士習
書遂濫卿貳悉當追論以示創懲故追奪其贈謚 誥
命及仆 諭祭等碑 時吏部覆主事郭諫臣奏正一
真人荒淫不檢不當復令世襲宜行所司查議應否永

續文獻通考卷之二百四十一
為革除 二年正月 詔革正一真人名號奪其印張
氏自東漢建武中張道陵以修煉符水術起傳數世有
張魯者即史稱五斗米賊能攝役鬼物愚民神而事之
魯之子元忠于道陵煉丹處設壇授法唐會昌間始賜
名真仙觀宋大中祥符間王欽若奏改為上清觀元至
正中始封正一教主真人主領符籙事 國朝因令承
襲傳至嗣孫張永緒以淫縱聞術益衰永緒死無嗣江
西守臣因言張職名 賜印不載典籍隱稅逃役公行
吞噬無功於世有害於民宜為裁革禮部覆如守臣言
請革其封號止以裔孫張國祥為上清觀提點鑄給提
點印 上從之

上真曆七年周王在廷奏立祠祀熒惑大德真君及觀
音神請額禮科給事中張養蒙論其非禮 上命停給

續文獻通考卷之二百四十一終

皇明進士雲間王圻纂輯

仙釋考 道書名義 道家姓氏上

道書名義

崑崙

頭為三台君為崑崙指上丹田也又云臍為太乙君為崑崙指中丹田也

丹田

丹田有三所靈命之根眉間入三分為雙丹田却入三寸亦為丹田又二心下為中丹田臍下為下丹田腦為上丹田

泥丸

腦也亦曰九原山即眉間却入三寸之丹田其神曰精根字曰泥丸

天庭

兩眉間為天庭又為玉璫紫府又名玉華

按大洞經云眉間入三分為雙丹田入骨際三分為三臺關左青房右紫戶一神居之眉間却入一寸為明堂左明童君右明女君中明鏡神君眉間却入二寸為洞房左無英君右白元君中黃老君眉間却入三寸

寸為丹田亦名泥丸宮左有上元赤子君右有帝鄉君又却入四寸為流珠宮有流珠真君居之又却入五寸為玉帝宮于清真母居之又當明堂上一寸為天庭宮上清真女居之又洞房直上一寸為極真宮太極帝妃居之又丹田直上一寸為丹玄有中黃太乙君居之又流珠直上二寸為太皇宮太上君居之男為雄乙女為雌乙男女並可修也

蒼華 太元並髮神名 華根 雲儀 玉華並髮名

天臺 中嶽 神廬 長谷皆異名 玉隴 靈堅皆鼻名

銀海 明珠並月名 英玄目神字 明上目神名

華蓋眉名 空閒 嬌女皆耳神名

幽田耳神字 紫煙目精氣日見紫青絳三色為三素雲

太淵 金醴 玉莢 玉池 醴泉皆口中液又脾中液亦名玉莢

靈根 朱鳥皆舌名 通命舌神名

正倫古神字 玄膺舌下通津液之岸

崑崙齒神名 白石齒名 羅千齒神字

靈宅 天宅皆回名 中池口名

玉都 玉樹皆身名 玉樓肩名

靈臺 紫房 絳宮 赤城皆心名

守靈心神字 丹元心神名

龍烟肝神名 含明肝神字

黃野 常在皆脾神名 魂停 靈源皆脾神字

虛成肺神字 皓華 混康皆肺神名

威明膽神字 龍曜膽神名 太倉胃名

玄冥腎神名 育嬰腎神字

續文獻通考 卷之三十四上 三見五

幽關 兩腎也又曰左為玄右為牝

玄鄉 腎名

長城 小腸名

隱龍 肝膽名

重樓 喉龍名又名十二樓又名太上隱環

八素瓊 重樓中有八瓊素液

三焦 焦者熱也心肝肺上之系

內芝 脉名

神華 太陰玄光王女之毋居脾臟之上此華蓋指肺

桃康 丹田下神名主人之精胎

黃庭 脾胃之下膀胱之上心之北而腎之南肝之西而肺之東上清下濁外應四色量容二升路通九道

黃童 黃庭真人一名赤城童子

黃婆 人之胎息是也黃者中之色婆者母之稱萬物生于土土乃萬物母故名黃婆

四海 心為血海腎為氣海腦為髓海脾胃為水穀海

九江 小腸二丈四尺而上下九曲此曰九江小腸下為元羅

三島 頂為上島心為中島腎為下島三島內根闕苑

六池 華池在黃庭之下瑤池在丹闕之前崑池上接王京天池正衝內院鳳池在心肺之間王池在唇齒

神水 生于氣中

金波 降于天上

瓊液玉泉 赤龍住處有之

白雪陽酥 胎換後方有

三池 膽為中池舌為華池小腸為玉池

三房 明堂洞房丹田之房

三宮 三丹田中真宮也

九室 頭中九宮室及人之九竅

五芽 五行之生氣青黃赤白黑也

三神 三丹田之神

六丁 丁丑丁卯丁巳丁未丁酉丁亥陰神王女也

六甲 甲子甲寅甲辰甲午甲申甲戌陽神王男也

三奇靈 一曰太清三君二曰符籙八景形 玉臟有八卦天神宿衛

續文獻通考 卷之三十四 四首而華

六神 六甲六丁六腑等神

三清 太清上清玉清

三元 精炁神曰三元

玉晨君 太上尊稱

九神 三丹田三元及三洞房合為九宮宮有天皇九鬼變為九炁化為九神

紫霞宮 在上清內

蕊珠宮 仙宮中有寥陽殿蕊珠關紫纓房

三光 日月星

五靈 水火金木土五星虛

桃核 太乙君名

鬱儀 奔日之仙

結璘 奔月之仙

五仙 天仙神仙人地仙鬼仙人

八仙 漢鍾離呂洞賓鐵拐李風僧哥藍采和玄壺子曹國舅韓湘子

三關 口為天關手為人關足為地關又臍下三寸為關元亦曰三關又曰明堂洞房丹田俱在兩眉上為關

三老 元老玄老老君又曰上元中元下元老君也 三竟 靈爽胎光幽精也又名三

三真 鬼與赤帝黃老

九微 太真太素太和為三元三三為九曰九微又曰三丹田三洞房合上三元為九宮宮中幽微曰九微

八術 九宮中有隱遁變化之術太上八炁奔晨是曰八術

三虫 上尸名彭琚使人好滋味嗜欲凝滯中尸名彭質使人貪寶好喜怒下尸名彭矯使人愛好衣服淫

三炁 女色故名三尸虫又曰上尸名清姑中尸名白姑下尸名血姑嘗以庚申日言人過于帝利人速死

三炁 三丹田之炁 九道 九竅也

四緣 身心世事 二藥 內藥外藥

上藥三品 精氣神為上藥三品又為三元藥物 三家 身心意曰三家又為三元至要

五炁 精神意 五行 鉛銀汞砂土

鉛汞 鉛取于銀其體沉重而喜墜比腎水以潤下易漏汞出于砂其體輕飛而喜升比心火以炎上易散

聖胎 神凝氣結為丹基曰聖胎 脫胎 歸根復命丹成曰脫胎又身外有身曰脫胎

玄關 四大五行不

玄牝 舉心動念

藥物 離為太陽因受坤體成離為少陰是為姤女為真

鉛坎為太陰因受乾體成坎為少陽是為嬰兒為真

三光聚頂 煉精化炁為初關身不動也煉氣化神為中

關心不動也煉神還虛為上關意不動也名

七返 煉神返虛神屬火七乃九還

身中夫婦 性情是也以黃婆真種子

三宮 精神居乾宮氣居坤宮

內外藥 煉精煉氣煉神

五氣朝元 身不動精固水朝元心不動氣固火朝元性

安和則意定土朝元

木父金公 坤中之陰入乾成離木生離火故曰木父

二八 陰陽和平如

養火 絕念頭為養火

龍虎 腎水也水中有氣名曰真火心火也火中生液名

曰真水以水生木腎氣足而肝氣生以絕腎之餘

陰而氣過肝時即為純陽藏真陰之水恍惚名真龍

以火魁全心液盛而肺夜生以絕心之餘陽而液到

傍門九品 下三品邪道中三品

漸法三乘 下乘安樂法中乘養

抽添法 冬至後陽升于地地抽其陰太陰抽而為厥陰

少陽添而為陽明厥陰抽而為少陰陽明添而

為太陽夏至後陰降于天抽其陽太陽抽而為陽
明少陰添而為厥陰陽明抽而為少陽厥陰添而為
太陰日月朝
望往復亦然

河車 人生陽少陰多無非是水故有取于河車之義
河車起于北方正水中而非若旁門搬運力也

三劍 一斬煩惱二斬
色慾三斬貪嗔
八瓊丹 丹砂雌黃空青硫黃
雲母戎鹽石雄黃

十二科 配匹陰陽聚散水火交媾龍虎燒煉丹藥肘後
飛晶玉液還丹玉液煉形金液還丹金液煉形

內觀交換
超脫分形

九難 衣食逼迫尊長激鬧名利繁絆恩愛牽纏災禍
難橫生青師約束議論差別志意懈怠月差陀

十魔 六賊魔富魔貴魔六情魔恩愛魔患難魔聖賢魔
刀兵魔女樂魔女色魔此十魔有三等一身外見
在二妄寐
三內觀

六義 金誥玉書真元
譬喻真訣道要

治五臟法 治肺用咽咽為瀉吸為補治心用呵呵為瀉
吸為補治肝用用虛虛為瀉吸為補治脾用呼
呼為瀉吸為補治腎用吹吹為瀉吸為補
為補治膽用噓噓為瀉吸為補

四大 天大地大道
大王亦大

道家姓氏上

上古

通玄天師又名萬法天師初天皇時出以無極大道下教

人間

有古大先生在地皇時出化人以無上正真之道

盤古先生在人皇時出化人以太平無為之道

鬱華子伏羲時出授天皇內文一號宛華稱田野子作元

陽經

大成子伏羲時出降于濟陰授地皇內文教人以好生之

道

赤松子神農時雨師也服水玉以教神農能入火自燒常

至崑崙山上止西王母石室中隨風雨上下炎帝少女

追之亦得仙俱去至高辛時復為雨師後黃初平亦號赤松子

甯封子黃帝時人世傳為黃帝陶正有人為掌火出五色

煙久則以教封子封子積火自燒而隨煙氣上下視其

灰燼有骨焉時人共葬于甯北山中故曰甯封子

廣成子黃帝時人隱居平涼崆峒山黃帝嘗就問道告曰

至道之精窈窈冥冥至道之極昏昏默默無視無聽抱

神以靜形將自正必靜必清毋勞爾形毋搖爾精毋俾

爾思慮營營乃可長生慎內閉外多智為敗我守其一

而處其和故千二百年而未嘗衰老授帝以陰陽經

馬師自黃帝時馬醫也知馬形氣生死之診治之輒愈後

有龍下向之垂耳張口師皇鍼其唇下口中以其草湯

飲之而龍疾愈後數有疾龍求治一旦龍負師皇而去

赤將子與黃帝時人不食五穀而散百草花至堯時為木

工能隨風雨上下時時于市賣繳亦號繳父

隨應子少皞時出降于崆峒山說莊敬經又號太極先生

赤精子顓頊時出說微言經

綠圖子帝嚳時出降于江湄說黃庭經

唐虞

務成子唐堯時出降于姑射山說玄德經

偃佺槐山采藥父也好食松實形體生毛長數寸兩目更

大

方能飛行逐走馬以松子遺堯堯不暇服時人受服者皆至二三百歲

方回堯時隱人堯聘以為閭士煉食雲母粉亦與民人之有病者隱于五柞山中夏啓末為宮士為人劫閉室中求道回化而去更以丸泥掩封其戶時人言得回一丸泥塗戶終不可開

尹壽子虞舜時出降于河陽說道德經

夏

真行子禹時出降于商山授禹九疇書及靈寶五符治水

真文

則子禹時出降于潛山作長生經一號錫壽子

務光夏時人耳長七寸好琴服蒲韭根湯將伐桀謀于光不對既克桀以天下讓于光光曰廢上非義也殺人非仁也人犯其難我享其利非廉也吾聞非義不受其祿無道之世不踐其位遂負石自沉于蓼水已而自匿後四百餘歲至武丁時復見武丁欲以為相不從逼以非禮遂投浮梁山後遊尚父山

商

古邑先生成湯時出

仇生不知何所人殷湯時為木工三十餘年而更壯皆知為奇人共師奉之常食松脂在鄉北山上自作石室終焉

彭祖殷大夫姓錢名鏗帝顓頊之孫陸終氏之中子歷夏
至殷末八百餘歲常食桂芝善道引行氣歷陽有彭祖
仙室前世禱請風雨莫不輒應常有兩虎在祠左右祀
訖地即有虎跡云後昇仙而去有子二人長武次夷故
後人名其所居山曰武夷山

商容殷時出

周

萬輔先生字君孝周成王時人跨白驢入三嶂山結草為
廬舍煉丹得道故後世名曰廬山

邛疏周封史也能行氣煉形煮石髓服之名石鐘乳至數
百年往來入太室山中有卧石床枕焉

嘯父冀州人少在西周市上補履數十年人不知也後奇

其不老好事者求其術不得惟梁母得其作火法後與
梁母別列數十火而昇天西邑多奉祀之

葛由羌人也周成王時好刻木羊賣之一日騎羊入西蜀
蜀中王侯貴人追之上綏山綏山在峨眉山西南高無
極也隨之者不復還皆得仙道里諺曰得綏山一桃雖
不得仙亦足以豪山下立祠數十處

容成公見于周穆王時自稱黃帝師善補導之事取精于
玄牝其要谷神不死守生養氣者也髮白更黑齒落更
生與老子同亦云老子師

杜宇古蜀主蜀嘗大水宇與居人避水于長平山後豈靈

開峽治水人得陸處宇禪位與之自居西山得道昇天
一云化為杜鵑

李八百蜀人初居鈞陽五龍岡歷夏商周年八百歲又動
則行八百里人因號為李八百或居山林或居市廛又
修煉于華陰山石室丹成還蜀周穆王時居金堂山蜀
人歷代見之又有女弟亦得仙封號妙應真人今成都
金堂縣有仙人井云妙應真人煉丹之所一云李八百
之妹號明香真人初修道于華林元秀峯後于峯南五
龍岡設壇道成冲舉唐天寶中即其地為元陽觀又晉
時妖人李脫自稱八百歲號李八百煉丹于瑞州府有
迷仙洞此假托者

王子喬周靈王太子晉也好吹簫作鳳凰鳴遊伊洛之間
道士浮丘公接以上嵩高山三十餘年後求之于山上
見桓良曰告我家七月七日待我于緱氏山巔至時果
乘白鶴駐山頭望之不得到舉手謝時人數日而去後
立祠于緱氏山下及高高首焉

尹軌號太和真人 杜冲號太極真人 彭宗號太清真
人三人皆西周時得道成仙

浮丘伯姓李居嵩山修道白日飛昇嘗作原道歌曰龍伏
虎亦藏龍藏先伏虎但畢河車功不用提防拒諸子學
飛仙狂迷不得住左右得君臣四物相念護乾坤法象
成自有真人顧又有相鶴經王子喬傳

宋倫洛陽人周厲王甲辰歲入道疑心寢形抱一冲和後
感老聃授之上道即能飄然飛步凌波涉險或化麋鹿
或為鳩鴿弋獵者自不能近或為虫癩之人與病者寢
處自然疾瘥宣王丁巳歲上昇今為太清真人

馮長驪山人周宣王時為柱下史觀天文之變乃退隱攝
生遇鄧真人授以靈書功行垂成復遇彭真人授以太
上隱書遂得道用術濟人平王三十年昇仙而去今為
西嶽真人

幼伯子周蘇氏客冬常着單衣盛夏着襦袴形貌歲異老
而更壯世世來誠祐蘇氏子孫得其福力

春秋

馬丹晉狄人文侯時為大夫至獻公時為幕府正獻公滅
狄殺恭太子丹乃去至趙宣子時乘安車入晉都侯諸
大夫靈公欲仕之迫不以禮有迅風發丹入迴風而去
北方人尊而祠之

蕭史周宣王時父蕭欽好道老君降其家而生初無名宣
王以史籍散失召為史官故人以史目之善吹簫能致
孔雀白鶴于庭秦穆公有女弄玉好之公遂令孟明為
媒蹇叔為賓以女妻焉日教弄玉作鳳鳴居數年吹似
鳳聲鳳鳥來止其屋公為作鳳臺夫妻居其上一旦隨
鳳鳥飛去故秦人作鳳女祠于雍宮時聞有簫聲

寇先宋人以釣魚為業居睢水旁百餘年得魚或放或賣

或自食常着冠帶好種荔枝食其葩實宋景公問其道
不告即殺之後數十年踞宋城門鼓琴數十日乃去宋
人家家祠焉

涓子齊人好餌木食其精至三百年乃見于齊著天人經
四十八篇後釣于荷澤得鯉魚腹中有符受伯陽九仙
法隱于宥山能致風雨淮南王安少得其文不能解中
琴心三篇最有條理

琴高趙人以鼓琴為宋康王舍人行涓彭之術浮游冀州
涿郡之間二百餘年後辭入涿水中取龍子與諸弟子
期曰皆潔齋待水傍設祠果乘赤鯉來出坐祠中留月
餘復入水去

陸通楚狂接輿也好養生食橐盧木實及蕪菁子遊諸名
山後住蜀峨眉山上世世見之歷數百年去

赤須子鄆人為秦穆公時主魚吏數前道鄆界水旱災害
十不失一臣下歸向迎而師之問所長好食松實天門
冬石脂齒落更生髮墮再出去吳山下十餘年莫知所
之

任光上蔡人善餌丹賣于都市里間積八十九年如十數
歲面顏後長老識之知是故時任光也趙簡子聘與俱
歸常在栢梯山上百年不知所在

老子姓李名耳字伯陽楚苦縣人懷玄妙玉女腹八十一
年而自母右脅生生時皓首故曰老子為周柱下史好

養精氣貴接而不施轉為守藏史積二百餘年時稱為
隱君子號曰老聃仲尼至周見老子知其聖人乃師之
後欲開化西域乃乘青牛車去入秦過西關關令尹強
使著道德上下經二卷 葛稚川曰老子無世不出數
易姓名出于黃帝時號廣成子周文王時號燮邑子為
守藏史武王時號育成子為柱下史康王時號郭叔子
漢初號黃石公漢文時號河上公

關令尹喜字公文周大夫善內學常服日精月華隱德修
行時人莫知老子西遊喜先見紫氣來知有真人當過
物色遮之果得老子老子亦知其奇為著書授之曰千
日之外尋我于蜀中青羊之肆至期果見于大官李氏

家老子集衆仙册號尹為文始先生位為無上真人與
俱遊流沙莫知所終尹喜亦自著書九篇號關尹子
平常生居于穀城鄉數死復生時人不信後大水出一鄉
被害平在缺門山頭大呼曰平常生在此且云兩五日
必止止則上山求祠之但見平衣帔革帶後數十年復
為華陰門卒

江妃二女不知何所人出遊于江漢之涓逢鄭交甫請其
佩二女解佩與之交甫悅而懷之當心趨數十步探懷
中失佩顧二女亦不見

戰國

鬼谷子晉平公時人姓王名詡嘗入雲氣山採藥得道類

如少童戰國時隱居陽城青溪之鬼谷因以自號長於
養性治身蘇秦張儀嘗學道受裨闔之術十三章三年
辭去曰二子輕喬松之永壽貴一旦之浮榮惜哉晚乃
益出七術其言有曰人動我靜人言我聽知性則寡累
知命則不憂至盛神養志諸論所謂中稽道德之祖散
入神明之蹟者殆亦幾乎鬼谷處人間數百歲後不知
所終

茅濛咸陽人博學深鑒知周室將衰不求仕進嘆曰人生
若流電於是師鬼谷先生受長生術遂入華山修煉秦
始皇三十年九月庚子白日昇天先是邑人謠曰神仙
得者茅初成駕龍上昇入太清時下玄洲戲赤城繼

而往在我盈帝若學之臘嘉平始皇聞之因改臘為嘉

平玄孫盈固衷皆得仙居茅山號三茅

桂父象林人色黑而時白時黃時赤南海人見而尊視之

常服桂及葵以龜腦和之其人累世見焉

瑕丘仲甯人賣藥于甯百餘年人以為壽後地動谷壞仲
及里中數十家臨水屋皆敗仲死人取仲尸棄水中收
其藥賣之仲披裘而詣取藥棄仲者叩頭求哀仲曰弗
恨汝使人知我耳吾去矣後為夫餘胡王驛使復來至
甯北方人號謫仙

酒客梁市上酒家人不著姓名作酒常美售之日得萬錢
有過而遂之主人酒輒酢敗窮貧梁市中賈人多以女

妻而迎之或去或來後百餘歲來為梁丞使民益種芋菜曰三年當大饑卒如其言梁民得不死五年解印綬去莫知其終

祝鷄翁洛人居尸鄉北山下養鷄百餘年鷄有千餘頭皆

立名字暮樓樹上晝放散之欲引呼名即依呼而至賣

鷄及子得千餘萬輒置錢去之吳作養魚池後升吳山

白鶴孔雀常至其傍

姚坦號玄洲真人 周亮號八素真人 尹登號太極真

人 王琮號黃庭真人 李翼號西岳仙卿以上五人

皆周秦間得道成仙

馬成子扶風人周秦間慨然有修道志棄家入伯陽川遇

一童子授以胎元煉氣法乃入蜀鵠鳴山隱居洞中忽

一人杖策至曰此山鷄鳴子當登仙矣乃授以神丹曰

氣為內丹藥為外丹子受仙童內丹今復受吾外丹不

當為高真矣言訖乘雲去成子服之遂白日昇天

秦

安期生瑯琊阜鄉人賣藥廣州海邊人言千歲翁秦始皇

請見與語三日三夜賜金璧度數千萬出置阜鄉亭而

去以赤玉舄一兩為報曰後數年求我于蓬萊山始皇

遣徐市盧生等入海求之未至蓬萊輒逢風波而返乃

立祠阜鄉亭海邊十數處祀之生嘗食李少君棗大如

瓜其蒲潤所產菖蒲一寸九節生嘗採而服之其隱居

有十蒲澗其一也

孔丘明秦時人與駱法通等十人避亂來玉笥山修煉道成騰空而去

毛女在華陰山中山客獵師世世見之自言始皇宮人秦亡入山食松葉遂不饑寒身輕如飛

曾生女長樂人初餌胡麻絕穀十餘年少壯色如桃花一日別親故入華山後五十年人見其于廟前乘白鹿從王母去

盧仙始皇遣入海求仙藥不獲盧與侯生謀隱入邵陵雲山今山有侯仙迹盧影秦人古道煉丹井飛昇其掃

檀竹皆其遺跡

丁令威遼東人嘗學道于靈墟山離家十歲化為白鶴而歸集于華表柱語曰有鳥有鳥丁令威去家千年今始歸城郭如故人民非何不學仙塚壘其歲月無攷

山在大平府

黃石公下邳人遭秦亂自避姓名人莫知者初張良易姓為長步游沂水圯上因取履謂孺子可教乃與期會出一編授之曰讀是則為王者師後十三年孺子見濟北

穀城山下黃石即我矣遂去不見良以其書佐漢取天下後十三年從高祖過濟北穀城山下得黃石良寶而祠之

前漢

朱仲會稽人常于會稽市上販珠漢高后下書求三寸珠仲讀購書笑曰真值汝矣持三寸珠詣闕上稱珠好過度即賜五百金魯元公主復私以七白金從仲求珠仲獻四寸珠置于闕即去下書會稽徵聘不知所在景帝時復來獻三寸珠數十枚輒去不知所在

河上公陝州人文帝時結廬于河濱時帝好老子書未解遣使問之公曰道尊德貴非可遙問于是遂枉駕問之授素書老子章句二卷曰熟研此即所疑自解今有廟在陝州北

修羊公魏人在華陰山上石室中有懸石榻卧其上石盡穿陷畧不食時取黃精食之後以道于景帝帝重之使

止王邸中數年道不可得有詔問脩羊公能何術發詔未訖牀上化為石羊題其脅曰脩羊公謝天子後置石羊于靈臺上羊後復去不知所在

劉諷潁川人景帝時仕為公車司馬車司馬季主得服日月精華之道晚歸鄉里托形杖履而去持又有金碧劉真人未詳其實

稷丘君泰山下道士也武帝時以道術受賞賜髮白再黑齒落更生後罷去上東巡泰山稷丘君乃冠章南衣黃衣擁琴來迎拜曰陛下勿上也上必傷足指及數里左足指果折上諱之祠而還後為稷丘君立祠

崔文子泰山人好黃老居潛山下後作黃散赤丸賣都

市自言三百歲時有疫氣民死者萬計長吏之文所請
救文擁朱幡繫黃散以徇民間飲散者活萬計後去在
蜀賣黃散世寶為神

東方朔字曼倩平原厭次人父在吳中為書師武帝時上
書拜為郎以詼諧得幸時見規益至昭帝時人或謂聖
人或謂凡人莫知其旨宣帝初棄即以避世置憤官舍
風飄之而去後見于會稽賣藥智者疑是歲星精也

鈞弋夫人齊人姓趙少時好清淨病卧六年右手拳屈飲
食少望氣者云東北有貴人氣推得之姿色甚偉武帝
披其手得一玉鈞而手尋展遂幸而生昭帝後武帝嘗
之殯尸不冷而香一月間昭帝即位更葬之棺內但有

經履故名其宮曰鈞翼後避諱改弋

犢子鄴人少在黑山採松子茯苓餌之且數百年時壯時
老時好時醜人乃知其仙人也酒家陽都女眉生而連
耳細而長衆以為異犢子牽黃犢來過都女悅之遂留
相奉侍都女隨犢子出取桃李一宿而返皆連兜其美
邑中隨伺逐之出門共牽犢走人不能及旦復在市中
後數十年去蟠山下冬亦賣桃李云

騎龍鳴潭亭人年二十于池中得龍子如守宮者十餘結
草廬養食之龍稍稍長大而去後五十餘年水壞廬他
往一旦騎龍來潭亭下語云我馮伯昌孫也此間五百
里地有灾信者皆去不信者以為妖至八月果水至死

者萬計

主柱不知何所人與道士共上宕山言此有丹砂可得數萬斤宕山長吏知而封之砂流出飛如火乃聽柱取焉邑令章君明餌砂三年得神砂飛雪服之五年能飛行遂與柱俱去

園客濟陰人貌好性良邑人多欲以女妻之終不取常種五色香草積數十年食其實一旦有五色蛾止香草末客收而薦以布生桑蠶焉至蠶時有好女夜至自稱客妻道蠶狀客與俱收蠶得百二十頭繭皆如甕縑一繭六十日始盡訖則俱去莫知所在故濟陰人世祀桑蠶設園客祠

李少君臨淄人見武帝有改銅器曰此齊桓公故器嘗陳於寢庭帝驗其刻果然因知少君已數百歲矣

鹿皮公淄川人少為木工舉手能成器械岑山頂上有神泉人不能至木工作轉輪懸閣數十日梯道四間成上其巔作祠舍留止其旁食芝草飲神泉且七十年淄水未來疾呼山下宗族室家六十餘人令上山甫半水漂一都沒者萬計後着鹿皮衣下山復上閣後百餘年賣藥于市

昌容常山道人自稱殷王子食蓬蘽根年二百餘而顏色如二十許人常致紫草賣染家以錢遺孤寡歷世皆然白石生嘗煮白石為糧人問何不霞舉笑曰天上多有至

尊相奉事更苦于人間時號為隱遯仙人

孟岐嘗言周公負成王朝周廟岐時侍側周公以玉笏遺

岐岐嘗寶執以衣袂拂拭今笏銳欲折矣

谿父南郡鄜人居山間有仙人從買瓜教之揀瓜子與桂

附並實共藏而對分食之二十餘年能飛走升山入水

後百餘年居絕山頂時呼谿下父老與道平生時事云

山圖隴西人少好乘馬折足道士教服地黃當歸羗活獨

活苦參散一歲而病愈身輕不嗜食追道士問自言五

嶽使採藥名山能隨吾使汝不死圖隨六十餘年一旦

歸持母服復去莫知所之

真上黨人武帝時為郡吏年百歲面有光澤能履冰

火出入不由戶

衛叔卿不知何所人武帝時乘雲車駕白鹿來見帝將臣

之叔卿不言而去帝悔求得其子度世令追其父度世

登華嶽見父與數人博石上叱度世令還

得五色雲母度世服之仙去

八公不知何所人亦不詳姓字淮南王劉安好神仙有八

公鬚眉皓白詣門求見門人曰吾王好長生先生無駐

衰之術未敢聞八公咸變為童子白日昇天

黃安每坐一神龜廣三尺出則負龜而趨嘗言伏羲始作

網罟獲此龜以授我此龜畏日月光三千年一出頭我

坐此以來龜已五出頭矣

淮南王既成仙其遺藥在器鷄犬舐之亦飛去南陽人陳
永伯得其七星散方試合服之二十八日忽然不知所
在兄子增族亦服父因繫其足閉于密室晝夜守之亦
不知所在本方曰服三十日而失其所在後人不復敢
服之者臨去時必有仙官來迎但人不見耳

谷春櫟陽人成帝時為郎病死而屍不冷家發喪行服猶
不敢下釘三年更着冠幘坐縣門上邑中人大驚家人
迎之不肯歸啓棺有衣無屍留門上三宿去長安止橫
門上人知而追之復去之太白山立祠山上時至祠中
止宿

子英舒鄉人入水捕魚得赤鯉持歸養池中食以穀米一

年長丈餘遂生角翅子英怪異拜謝魚言我來迎汝天
即大雨子英上魚背騰空而去歲時來歸故舍魚復迎
去如是者七十餘年故吳中門戶皆作神魚因立子英
祠云

陰生長安中渭橋下乞兒也常乞于市市人或以糞灑之
衣不汚如故長吏知之收繫桎梏而仍在市乞又械欲
殺之乃去灑者家室自壞殺十餘人長安謠曰見乞兒
與美酒免破屋咎

服間不知何所人常止于菖往來海邊諸祠中有三仙人
於祠中博賭瓜顧間令擔黃白瓜數十頭少瞑目而覺
則在方丈山間取山上珍寶珠玉往來菖市賣之一旦

髡頭赭衣貌更老人問之言坐取山中物云後數年貌更壯好鬢髮如往日矣

文賓太丘鄉人賣履為業數取嫗棄之後故嫗年九十餘見賓年更壯拜而涕泣賓約與會鄉亭西社嫗夜從兕孫行十餘里坐社中待之須臾賓到大驚汝好道耶前不宜去汝也令服菊花地膚桑上寄生松子以益氣嫗遂更壯復壽百餘年

東華帝君姓王不知其世代名號或云名玄甫得老子之道後隱崑崙山復居五臺紫府洞天自號少陽帝君子終南凝陽洞以道授鍾離權

鍾離權咸陽人號和谷子一號正陽子又號雲房先生

而奇異羨髯俊目身長八尺餘歷仕漢及魏晉首遇上仙王玄甫再遇華陽真人授秘訣遂棄世事於縣東四十里正陽洞修煉登仙今號正陽帝君

陳安世京兆人稟性慈仁為權叔本家傭賃叔本好道有二仙人托為書生從叔本遊叔本意怠二仙曰幾成而敗見安世篤實曰汝好仙乎曰好二人與約早會大樹下三期皆早至乃以藥二丸與服遂不食但飲水叔本知其得仙反師事之後安世白日昇天

劉根長安人成帝時入嵩山學道遇神人授以秘訣遂得仙用術濟人潁川太守史祈以為妖遣吏捕根欲戮之至府祈曰能召鬼即至不爾當戮根曰甚易借筆書符

忽見兵甲召二囚至廳前祈熟視乃父母也即驚愕流涕鬼責其子曰汝何得罪神仙累親如此太守伏罪求赦方解根遂不見

商丘子胥高邑人好牧豕吹竽年七十不娶而不老邑人從之學道問其要言但食木菖蒲根飲水而已如此傳世三百餘年

于主楚語而細音不知何所人詣漢江都王自言甯先生顧我作客三百年不得直以為狂人也問甯先生所在云在龍眉山上王遣吏將上龍眉山巔見甯先生毛身廣耳披髮鼓琴主見之叩頭吏致王命先生曰此主吾比舍九世孫且念汝家當有暴死女子三人勿預吾事

評竟大風發吏走下山比歸宮中相殺三人王立遣牲祀焉

陶安公六安鑄冶人也數行火火一旦散上行紫色衝天安公伏冶下求哀須臾朱雀至冶上曰安公安公冶與天通七月七日迎汝赤龍至期赤龍到大雨而安公騎之東南上一城邑衆共辭訣云

赤斧巴戎人為碧鷄祠主簿能作水瀕鍊丹與消石服之三十年顏如童子毛髮皆赤後數十年取華山禹餘糧餌賣于蒼梧湘江間累世見跡手掌中有赤斧

呼子先漢中關下卜師也壽百餘歲臨去呼酒家老嫗曰急裝當與共應中陵王夜有仙人持二茅狗來子先與



婦各乘之乃龍也上華陰山而止

負局先生語似燕代間人嘗負磨鏡局徇吳市磨畢輒問
主人有疾苦者否輒出紫丸藥與之病莫不愈嘗大疫
活者萬計不取一錢後住吳山絕崖頭懸藥下與人欲
去時語下人曰吾還蓬萊山爲汝曹下神水崖頭一旦
有水白色流從石間來服之多愈疾立祠十餘處

朱墳廣陵人少病毒痕就睢山道士阮丘丘曰卿除腹中
三尸有真人之業可度世也璜曰病愈當爲君作客三
十年不敢自還丘與藥令日服九九百日腹下如肝脾
者數斗養數十日肥健心意日更開朗令讀老君黃庭
經日三過能通其意遂與入浮陽山玉女祠且八十年

復見故處白髮盡黑鬚更長三尺餘

阮丘姓黃睢山上道士衣裘披髮耳長七寸口中無齒日
行四百里睢山上種葱薤百餘年人不知也朱璜醫驗
始知其神人

女九陳市上沽酒婦也作酒常美遇仙人飲酒以素書爲
質丸開視乃養性交接術遂私寫其文納諸少年飲美
酒依法行之三十年顏色更如二十時仙人復來過笑
謂丸曰盜道無私有翅不飛遂棄家追仙人去莫知所
之

陵陽子明銓鄉人也一云姓竇丹陽人嘗釣魚于旋溪得
白龍子明懼拜而放之復得白魚腹中有書教子明服

續文獻通考 卷之三百四十一 三四
食之法子明遂上黃山采五石脂沸水而服之春食朝

霞夏食沆瀣三年龍來迎去止陵陽山上一統志曰子明二女化青

息隨去旌德縣有息山即其地

邗子蜀人也好放犬子時有犬走入山穴邗子深追之見有臺殿宮室侍衛甚嚴故婦主洗魚與邗子符一函并藥使還與成都令橋君橋君發函有魚子著池中養之一年皆為龍形後送符還山犬色更赤有長翰常隨邗子往來百餘年遂留止山上時下護其宗族蜀人立祠穴口常有鼓吹傳呼聲

木羽鉅鹿南和平鄉人母貧賤主助產嘗探產婦兒生便開目視母大笑其母大怖夜夢見大冠素幘者守兒言此司命君也當報汝恩使汝子木羽得仙母陰識之後生兒字為木羽所探兒生年十五夜有車馬來迎過母家呼木羽為御遂俱去後二十餘年鴉雀每旦銜二三魚著母戶上母匿不食而賣其魚三十年皆然母至百年乃終

玄俗河間人餌巴豆賣藥都市七九一錢治百病河間王病瘕買藥服之下蛇十餘頭問藥意俗曰王瘕乃上世餘殃下墮非王所自招也王嘗放乳鹿乃麟母仁心感天故得遇俗耳王家老舍人自言父世見俗俗形無影王乃呼俗日中看實無影欲以女妻之俗夜亡去後人見于常山下

三茅君茅濛玄孫長曰盈恬心玄漠遇王君得道漢初平中入句曲山為太元真君弟固威武太守衷上郡太守聞兄盈得道皆棄官從學俱成地仙固為定錄真君衷為保命真君

梅福壽春人仕為南昌尉成帝委任王鳳福上書極諫不用自嘆曰生為我酷身為我桔形為我辱妻為我毒遂棄妻子而去遊于會稽變姓名為吳市門卒後不知所終人稱為梅仙宋元豐間封壽春真人

南陽公主漢元帝女下嬪王咸綏和間王莽秉政謂咸曰國危世亂但當退而修身咸不能從公主遂結廬華山之餘精思丹道乘雲氣冉冉而去咸追之升層嶺漠然

無迹忽于嶺上見遺朱履一隻取之已化為石後人名其峯曰公主峯

唐公昉固始人王莽居攝二年公昉為郡吏忽遇真人授以藥拔宅仙去或云李八百居山中公昉師事之公昉謁八百以杖指崖間有泉湧出後人名曰寒泉山

莊君平蜀人夷堅志曰福有道人嘗見老叟同室歲餘告之曰吾乃漢莊君平也取一書授之天明叟去不歸視其書皆修身度世之說莊君平即嚴君平漢人避諱故易著為嚴君平宋時尚見之

後漢

史通平光武時自會稽來蜀詣我眉山出謁天皇真人授以三一之法及五符訣遂居青神縣地置茅爐煉火丹

龍虎成形餌之又廣行陰德功滿白日昇天

王喬河東人為葉令每朔望自縣詣朝明帝恠之密令太

史伺望言其臨至輒有雙鳧從西南來乃令舉羅得雙

鳧詔尚方驗視則所賜尚書官屬履也後天降玉棺喬

沐浴寢其中葬城東南土自成墳百姓廟祀之王喬有三子周

靈王太子晉名王喬一蜀仙王喬食肉芝食盡見桃實食之身輕而成仙者也一葉令王喬云

劉晨阮肇漢永平中二人入天台山採藥行數里至溪澗

遇二女容貌妙絕迎歸食以胡麻飯山羊脯日暮行夫

婦之禮住半年天氣和適當如二三月百鳥哀鳴求歸

甚切女曰罪根未滅使君等如此喚諸仙女共作歌吹

送劉阮出洞口還鄉驗得七代子孫傳聞上祖入山不

出二公欲還女家則無路至太康八年失二公所在

張道陵字輔漢豐邑人留侯八世孫學長生之術遍遊名

山東抵興安雲錦溪升高而望曰是有異境遂泝流之

雲錦洞有仙巖焉煉丹其中丹成餌之時年六十容貌

若少後入蜀居鶴鳴山老君授以秘錄遂領弟子趙升

王長來雲臺巖復煉火丹服之永壽二年自以功成道

著乃于半巖躍入石壁中自崖巔而出因成二洞崖半

曰峻仙洞崖上曰平仙洞是年遂將諸品秘錄斬蛇二

劍玉册玉印授其長子衡與夫人雍氏登雲臺峯白日

昇天時年一百二十三歲其四世孫曰盛復居龍虎山

歷代重之子孫世襲真人王長號左玄真人

續文獻通考 卷之三百四十一 二十七
趙升就張道陵學道陵已七試之矣最後與諸弟子登雲
臺上絕巖上有大桃下臨不測陵曰得此桃者告之以
道升從上自擲正投桃樹取桃滿懷而石壁峻峭不得
上陵乃引手接之忽躍而上遂告以道成仙今號右玄
真人

蘇耽郴人事母以孝聞嘗遇異人授神仙術母思鮓即市
鮓以獻問所從來曰便縣母始異之一日忽洒掃庭除
曰仙道已成上帝來召母曰汝仙去吾誰養乃留一櫃
曰所需即有又云明年大疫取庭前井水橘葉救之耽
仙去已而果疫母日活百餘人後有白鶴止郡城東北
樓人或彈之鶴以爪攫樓板似漆書云城郭是人民非

二百甲子一來歸吾是蘇公彈吾何為宋元符中賜號
冲素真人

屈處靜祁陽人楚白公後幼而悟道絕迹人表凡十二年
一旦駕鶴而去

永州有白鶴山

周義山字季道汝陰人丞相勃之後年十六常以平日日
出時東向嗽咽服氣百數是歲陳留饑荒碩散家財以
賑之有黃泰者元鳳中寓陳留著敗衣賣芒屨義山見
之曰聞仙經云仙人目方面光密竒之泰一日謂義山
曰君好道陰德流行是以相詣我中岳仙人蘇子玄也
義山再拜膝行而前請乞竒要遂授以長生之道後義
山為紫陽真人白日昇天

董仲千乘人來之子其母乃天之織女故仲生而靈異數
篆符鎮邪恠嘗遊京山潼泉以地多毒蛇書符鎮之其
害遂息今有篆石在安陸州京山之陰

真武淨樂國王太子生而神靈察微知遠長而雄猛惟務
修行志除邪魔遇紫虛元君授以道秘遂越東海遊覽
又遇天神授以寶劍入武當山脩煉居四十二年功成
白日飛昇奉上帝命往鎮北方披髮跣足躡離坎真精
建皂纛玄旗統攝玄武之位神威赫然歷代顯著本號
玄武宋避諱改真武武當山北有磨針澗者云真武修
煉久之朱契玄元亟欲出山忽遇老嫗操鐵杵磨石上
問何為嫗曰為針耳曰不亦難乎嫗曰功到自成真武

大悟即返巖精修其地有榔梅相傳真武折梅杪寄榔
樹之上誓曰吾若道成花開果結後竟如言今樹尚存
號榔梅

矯慎字仲彥扶風茂陵人少慕松喬導引術隱遁山谷與
馬融蘇童鄉里並時而二人絕不及也汝南吳蒼貽書
勸之任不荅年七十餘竟不娶後忽歸家自言死日及
期果卒後人有見慎于燉煌者人稱為神仙

王方平東海人一名遠舉孝廉歷官中散大夫後棄官入
山修道桓帝時連徵不出俾郡國通載至京閉口不語
因題四百餘字於宮門皆言方來事削去復見後還鄉
居太守陳耽家四十餘年舉家無恙一日忽語耽曰吾

運期將去耽知其化且棺余殮之忽失其尸衣冠不動若蟬蛻者

麻姑王平妹桓帝時修道於牟州東南姑余山方平過

吳門蔡經家遣人與麻姑相聞有頃而至經舉家見之

是好女子指似鳥爪頂中有髻衣有文章而非錦繡蔡

經見其指爪心中念背癢時可以此搔方平即知鞭經

曰麻姑神人何敢如是坐定各進行厨香氣達于内外

擗麟脯行酒麻姑曰接待以來東海三為桑田蓬萊水

又淺矣方平笑曰聖人皆言海中行復揚塵經母妻見

麻姑以米擲地皆成真珠宴畢昇天而去麻姑山在寧國府東麻姑

嘗修道于此丹灶尚存又嘗居建昌山故亦號麻姑開元中立廟壇側累封虛寂冲應真人夷堅志曰劉氏

堂前有大槐忽夢一女官自稱麻姑乞此園修廟劉漫

馬明生臨淄人姓和字君實少為賊傷殆死忽遇一女子

云太真夫人也與藥一丸服訖即愈乃自號馬明生隨

夫人入岱山石室試以鬼恠狼虎不懼挑以美女不動

夫人曰可教有安期生至夫人以明生付之以詩留別

而去後得安期生丹經神方入華陰山修煉漢靈帝時

太傅胡廣試以國事皆驗遂餌金丹白日昇舉

陰長生漢和帝后之曾祖不好榮位潜居隱身專務道術

聞馬明生者得度世法乃求見于太和中執役二十

年不懈乃偕入青城山以太清金液神丹授之丹成著

魏伯陽東漢上虞人好道不仕入山煉丹丹成上昇作叅同契五行相類等書始伯陽丹成與犬犬死伯陽服之亦死弟子服之亦死伯陽即起再以丹納犬及弟子口中皆起仙去有二弟子不服者始悔其參同契者謂修丹與造化同途故托易象而論今行于世

鮑靚陳留人仕漢為南海太守嘗遇陰長生授道訣一日行部入海遇風饑甚取白石煮食之又與葛洪善以女妻洪靚還丹陽卒葬石子岡後蘇峻之亂盜發其棺無屍惟大刀一柄盜欲取之聞左右兵馬聲刀亦有聲如雷乃止東海徐寧嘗師之夜聞琴聲甚妙問焉曰稽叔

夜寧曰稽畢命東市何得在此曰叔夜雖刑終而實尸解

藥巴蜀人漢帝召為尚書正朝大會巴獨後到頗有醉色帝賜酒不飲望東南嘆之有司奏巴大不敬詔問巴巴曰臣鄉里以臣能治鬼護病為立廟今旦耆老皆入廟致享是以來遲臣本縣成都失火臣嘆酒為雨以滅火災詔原罪即遣使往驗其言答云正旦失火食時有大雨從西北來乃息雨皆酒氣後一旦大風天霧暗失巴所在尋問之具云還成都與親戚別去而昇天矣上成公東漢密縣人出行义不返後歸語其家曰我已得仙因辭家去家人見其舉步稍高良久乃没陳寔韓韶



同見

李根許昌人有趙買者聞其祖父言已見根比買時年八十四而年少自若有得根素書讀之其自記云以漢元封中學道於某甲計之已七百餘歲矣

蕭綦漢末修道太平山延壽宮善吹簫能致鳳鸞翔集號碧霄真人道成白日昇舉

薊子訓不知何所人東漢時至洛陽有神異公卿以下候之者恒數百人皆為設酒脯終日不匱後因遁去有人于長安東霸城見與一老公共摩娑一銅人相謂曰適見鑄此已近五百歲矣

白孔帖
薊作薊

長房汝南人為市吏有老翁賣藥懸一壺于肆市罷輒

跳入壺中長房子樓上獨見之因候出再拜奉酒脯翁乃與俱入壺中華麗非凡境乃使處深山群虎中長房不恐又使卧空室以朽索懸石于上衆蛇醫索且斷長房亦不移最後使食糞有三虫臭穢長房意惡之翁曰子幾得道恨於此不成遂與一竹杖曰騎此而出又與一符曰以此主地上鬼神長房到家以杖投葛陂中杖化龍而去由是能縮地千里聚在目前放之如舊又能役使鬼神後失其符為衆鬼所殺桓景嘗學于長房一日謂景曰九月九日汝家有大災可令家人作絳囊盛茱萸繫臂登高山飲菊花酒禍可消景如其言舉家登山夕還見牛羊雞犬皆死

郎宗字仲統安丘人占知火燒大夏門後居華山服胡麻得道

孫博河東人讀書能屬文晚學道能使草木皆為火光照耀數十里行大水中身不濡人有疾指之言愈即愈出入山間石室如有穴者後入林慮山合神丹仙去

曹仙媪不知何許人嘗携幼女引一犬息馬闢關柳下一日至河將渡舟師拒之媪携女與犬凌波御風須臾登岸俄又登東岸石龕遂與女及犬俱化龕中土人立廟祀焉


金甲潞城人幼聰慧佯狂遇異人授以太陰煉形之術嘗單衣跣足卧凍雪中能預知水旱災祥壽夭既卒葬百餘日一夕雷庭大作及旦視之但見塚開數寸惟留隻履椶扇薄衾而已

麻衣仙姑汾州人姓任氏隱于石室山家人求之弗得後有人見之遂逃入石室山中有聲殷殷如雷其壁復合手迹尚存

蔡女仙襄陽人幼善刺繡忽有老父詰門請繡鳳眼畢工之日自當指點既而繡成老父指示安眠功畢俄雙鳳騰躍飛舞老父與女各乘一升天

徐登福州人漢時于永泰縣高蓋山修真得道嘗與東陽趙炳鬪仙術又有徐從事真未詳其實

何氏九仙不知何名漢時兄弟九人居仙遊東北山中修



道又居湖側煉丹丹成各乘赤鯉仙去名其湖曰九鯉湖山下遺銅杯鐵鞭後人即其地建廟九鯉湖上亦有廟每大比歲士子祈夢者屢驗

趙炳東陽人為道士以氣禁人人不能起禁虎虎伏地低頭閉目便可執縛以大釘釘柱入尺許以氣吹之便可躍出射去如弩箭之發異苑曰趙侯以盆盛水吹氣作

禁魚龍立見

事出抱朴子

解奴辜張貂者並不知其何所人皆能隱淪出入不由門戶奴辜能變易物形以誑幻人又河南有麴聖卿善為丹青符刻厭殺鬼神而使命之又有編育意亦與鬼神交通孟節能舍棗核不食可至五年十年又能結氣不食身不動搖狀若死人可至百日半年

張楷性好道術能作五里霧

焦先字孝然世莫知所自或言生漢末及魏受禪嘗結草為廬于河之湄獨止其中冬夏袒不着衣卧不設席又無蓐以身親土其體垢汗皆如泥滓不行人間或數日一食行不由邪徑目不與女子迂視口未嘗言雖有驚急不與人語後野火燒其廬先因露寢遭冬雪大至先袒卧不移人以為死就視如故後百餘歲卒

三國

李常在蜀中人少治道術百姓累世見之初有二男一女皆已嫁娶乃去二弟子隨之後各以青竹杖度其身遣

歸家置杖卧床徑還其家見兒尸在床各泣而埋之百
餘日有人于郫縣逢二子隨常在行附書到家各發棺
視惟一青竹杖常在又娶婦前婦子往尋之常在曰吾
兒欲來見我法不得見兒見母泣而別去
折象廣漢人少好黃老業師事東平先生家世豐財以為
多藏必厚亡散千金以濟貧苦或諫之象曰竇子文有
言我之施物乃逃禍非避利也智者咸服焉自尅亡日
尸解如蛇蛻

左慈字元放廬江人于天柱山中精思學道得石室中丹
經尤明六甲能使鬼神坐致行厨變化萬端嘗投簪以
畫酒杯即中斷分為兩向曹操召見閉一室斷穀暮年

出之顏色如故操嘗宴賓曰所少者松江鱸耳慈令銅
盤貯水以竿釣之即得鱸操曰恨無蜀薑慈曰易得操
恐近取即日前使買錦可報增二十段慈曰諾須臾袖
中出薑後買錦者回果云是日得報增錦操出近郊慈
携酒一升醕一斤百官皆醉飽操惡其能欲殺之逃入
山中羊群一老羝曰遽如許欲殺羝則羊皆跪曰遽如
許乃盡殺羊而去而慈故無恙羊亦皆活

劉政有道術能以一人作千人千人作萬人又能噓水成
雲聚壤成山刺地成淵

劉綱有道術能檄召鬼神禁制變化嘗與妻樊夫人校其
術俱坐堂上綱作火烧碓屋從東起夫人禁之火即滅

庭中兩株桃夫妻各咒一株使相鬪擊良父綱所咒者
不如數走出籬外綱唾盤中成鯉魚夫人唾盤中成獺
食魚綱與夫人入四明山路值虎綱禁虎不敢動適欲
往虎即號夫人以繩繫虎牽歸繫於床側及將昇天綱
先仕上虞令縣廳側先有大皂策樹綱昇樹數丈方能
飛舉夫人平坐冉冉如雲氣之舉同昇天而去

封衡隴西人幼學道得真訣服黃連五十年入山採藥百
餘年還鄉里聞病者輒以腰間竹筒藥與之立應復駕
一青牛周遊天下魏武帝召問養生大畧衡曰戒思慮
節嗜慾而已所著有養氣術隱形法衛生經數十卷
于吉瑯琊人精苦修道忽得痼疾晨夕告天誠感老君令

仙人授吉經曰非但愈疾當得長生吉得之疾遂除凡
消災治病無不驗者孫策平江東將士多病吉嚶水輒
漶天父旱縛吉暴日中即大雨策忌而殺之俄失其屍
周旋人間又百餘年仙去

葛仙公名玄丹陽句容人嘗從吳主至溧川遇大風百官
船沉玄獨出水上而衣不濕有數家請飲者同時各到
有欲追之者相去數丈終不能及嘗對客吐飯成蜂或
集客身良久仙公張口蜂飛入口成飯食之為客設酒
盃自至客前若不盡者則盃不去吳主為立觀方山後
白日昇舉號太極仙翁

姚光吳人有仙術有吳士積薪千束焚之焚盡光安坐火

中振衣而起

沈建丹陽人好道能醫嘗遠行寄奴婢驟弄于主人各與藥一粒語主人曰不煩飲食也去後主人飲食之皆不受三年還又各與藥飲食如故建後不知所之

介象會稽人學道得度世禁氣之術能隱形變化入山谷見美女曰汝食氣未盡可斷穀三年來此象如期往乃授以還丹術吳主聞之召至武昌試其術種菜菓皆立生有種黍山中若獼猴擾之戒曰吾告介君猴即去象化後人復見他所發棺視惟一符耳

吳猛濮陽人仕吳為西安令因家分寧性至孝暑月不驅蚊恐啗親也遇至人于火授以神方又得秘法雲符道

術大行嘗見暴風書符擲之風即止或問其故曰南湖有風道士求救驗之果然西安令于慶死已三日猛曰數未盡乃卧于屍旁數日同起嘗渡江值風濤猛以白羽扇畫水而渡觀者駭異庾亮嘗求愈疾猛辭以自筭盡求具棺服旬日而死形狀如生未及大殮失其尸識者知為亮不祥之兆亮果不起後傳道于許遜晉康寧中乘白鹿車與弟子四人昇天宋政和時封神烈真人幸靈不知何所人順陽樊長賓為建昌令發百姓作官船于建城山中吏命人各作箸一雙幸靈作而未輸或竊之俄而竊者心痛欲死靈謂之曰爾得無竊吾箸乎竊者不應有頃愈甚靈曰爾若不以情告我今真死矣竊

者乃自首靈于是飲之以水病即立愈行人由是敬畏之船成當下水吏以二百人引一艘不能動方請益人靈曰此已過足但部分未至耳靈請自牽之乃手執箸惟用百人而船去如流衆大敬咸稱其神

張元化葛玄弟子嘗寓汝州一日召道士周元亨戒之曰吾化後母損吾軀既化元亨如命葬城北二里後二年汝卒成蜀者逢元化于山峽間令持書與胡司馬周尊師卒返投書二人開緘則元化親札謝二人葬之厚也遂率郡人發塚視之惟故履存焉宋政和時封冲妙先生

朱孺子永寧人三國時師道士王玄真居大石巖下常于

溪畔見二花犬逐之入枸杞叢下遂與玄真鬪鬪不得枸杞根類花犬堅如石煮之孺子先取飲之俄而飛立前峯謝玄真去玄真後亦不知所往

晉

許遜南昌人生而穎悟從吳猛得神方秘法以修煉為事晉太康初為旌陽令尋棄官東歸遇謔母傳以道術遂斬蛇誅蛟悉除民害慮豫章為浮州蛟螭所穴乃于牙城南井鑄鐵為柱下施八索勾鎖地脉由是水妖屏息又周遊江湖諸郡殄滅毒害乃歸舊隱精修至道康寧二年一百三十六歲忽一日羽蓋龍車自天而下遜登車與其弟子家屬四十二人同時昇天雞犬亦隨焉



王纂居馬跡山永嘉末中原大亂饑饉癘疫死者相繼纂于靜室飛章告天祈救生靈感神人告之曰子念生民吾得以盼子矣

劉懿真晉女冠也人謂王子晉外妹至東晉時已五六百歲常居于南昌靜安縣棲霞觀後白日翀天而去

其戰曹城人有孝行喜神仙術往從許遜遜異其材器凡與文秘訣悉命掌之自是周遊江湖誅蛟斬蛇無不從焉及遜上昇戰歸豐城布德行惡鄉人感化陳大建初駕麟車乘雲去宋封精行真人

盱烈南昌人少孤事母孝母許氏遜長姊嘗築室宅西數十步間俾烈母子居之故日聞至道母嘗採花果奉遜及遜飛昇母子俱從遜騰雲去宋封烈和靖真人

潘茂明潘州人晉永嘉中入山逢二道士奕立觀乂之道士曰子亦識之否答曰入猶蛇膏出似鷹行道士笑可其說因語之曰子頂骨貫于生門命輪齊于日月腦血未減心影不偏若修煉則可輕舉授以銀黃精不二之法于東山採藥煉丹于西山白日上昇

王質晉信安郡樵夫也一日入山逢二童子在石室中對奕質觀之童子與質一物如棗核食之不饑乃置斧于坐而觀須臾童子曰汝斧柯爛矣質乃歸鄉里無復同時人

抱朴子句容人姓葛名洪字稚川玄之從孫晉咸和間為

散騎常侍聞交趾出丹砂求為勾漏令將子姪俱行至
廣州刺史不聽去乃止于羅浮山後入蜀于武都山得
雄黃色如雞冠喜曰吾丹成矣復入洪雅之花溪存神
養氣道成昇天妻鮑氏南海太守靚之女嘗與洪聞仙
術每行灸于南海唐崔煒遊開先寺有丐嫗曰吾善灸
贅疣奉艾少許煒受之灸疣應手而落始知為洪妻也
黃野人葛洪弟子洪仙去留丹于羅浮山柱石間野人得
一粒服之遂為地行仙常在人世

王元甫人學道于赤城霍山脈青精石飯吞日精月影
之法內見五臟晉穆帝永和元年正月十九日乘龍白
日昇天為中嶽真人

彭宗彭城人年二十服業于杜冲棲真味道精貫入神
從師採藥忽墮深谷又被蛇中曾無愠色冲乃授丹經
五十文宗寶而修之洞暢幽漠能三晝夜為一息或一
年不動人以為死及起顏色愈鮮山中蛇虎見之潛伏
後為太清真人

吳彩鸞猛女也得父仙道至唐太和未有書生文簫寓鍾
陵紫極宮一日於西山遇之竟許成婚而歸鍾陵簫貧
不自給彩鸞為孫恂唐韻運筆如飛日得一部鬻之獲
金五緡盡則復寫如是一載稍為人知遂潛往新興越
王山二人各跨一虎陟峯巒而去

許邁字叔玄句容人少恬澹不慕仕進嘗造郭璞筮得泰

之夫璞教以學升遐之術遂從鮑靚探其至要晉永和
中入臨安西山登巖茹芝悠然自得更名元字遠遊著
詩十二首論神仙事人傳羽化

黃初平晉丹溪人年十五牧羊遇道士引至金華山石室
中四十餘年其兄初起尋之不獲後遇道士善卜因問
之曰金華山中有一牧羊兒初起隨去見初平問羊何
在曰在山東往視之但見白石初平叱之石皆起成羊
數萬頭初起願棄妻子學之後亦成仙初平號赤松子
初起號魯班宋元皆有封號

秀英晉丁義君之女嘗于揚州城西七十里煉丹得道今
有丹井在焉

謝仲初萬載人修煉于閤皂山得道而歸過縣西見其無
水拔劍刺地湧泉甘潔過江無舟以竹葉渡之後登謝
山冉冉飛去

葉千韶晉建昌人有道術辟穀服氣常獨居忽有一白衣
人言君道德臻備仙籍褒升當在人間役使鬼神其後
能立致風雨驅雷電救人疾疫其應如響不知所終
黃仁覽晉時人居瑞州府城東北三十里從學許旌陽後
道成冲舉即其地為祥符觀

陶淡晉潯陽人侃之孫幼孤好道養之術年十五六便服
氣絕穀家累千金僮客百數淡終日端拱曾不嘗問頗
好易善卜筮後逃遁山中不知所之

董奉晉時居廬山有道術為人治病不取錢病重而愈者
今種杏五株輕者一株數年杏成林子熟時作一倉令
買杏者隨器大小易以穀若穀少杏多虎輒吼逐之所
得穀悉以濟貧後仙去

魏夫人晉修武令劉幼彥妻魏氏學仙得道飛昇于南嶽
世號紫虛元君後人立祠于彰德祀之

麻衣子姓李名和紺髮美姿入終南山遇道者遺以道秘
戒之曰南陽之間湍水之陽有山靈室巖洞其旁神開
汝鄉汝則往之可以翁神功于蒼茫麻衣往求至其所
居洞中十九年晉義熙間大旱居民請祈雨麻衣始以
無術拒之既而有年少十二人囑許之翌日大雨雷

少來拜曰吾屬龍也上帝令輔師行化耳劉宋大明初
年百有一歲坐逝

羅真人黃梅人名致福晉時修道于縣北鳳臺觀丹成有
老人來云其龍也有病願求丹療之致福賜之丹而愈
後于觀北水塘洗足飛昇而去今遺飛昇臺洗足池宋
賜真人號

鮑蓋東海鄆人生時祥光燭室名曰員照後更名蓋嘗為
縣吏俾奉牒入京踰月不行縣方詰責則已得報章矣
建興四年終于家後三十年其妻子俱夢令啓棺則顏
色如生衣服潤潔已而祥雲下迎乘之上升初廟于青
山唐聖曆中廟城內

文斤南昌人號超然子晉咸安中為邵州高平令嘗遇異人授以丹訣後棄官歸康寧二年仙去

黃道真武陵人晉時棄俗居高吾山修道乘白鹿仙去落魄仙姓張嘗嘗鼠藥于梓州獄吏王昌寓者取藥以歸鼠食之皆翼而飛後昌寓至瀘又遇之乃易其藥以餌之名昌寓為易玄子取馬令乘以歸馬乃龍也歸梓後以九月九日飛昇即其地為藥市

行客晉時人遇亂隱延平北山結廬煉丹丹成舉家上昇上官道人不知何所人辟穀煉丹于延平山一日偈云處世紅塵五十八混世獨存今始淡時人若問吾歸處掃盡雲霞一輪月後戎兵于廣州有復見之者

如後趙石勒時麻秋女其父猛悍人畏之嘗築城晝夜不止雞鳴乃息姑賢有恤民之心假作雞鳴群雞效聲衆工乃止父覺欲撻之女懼而逃入石洞脩道後于城北石橋飛昇追者不及名其洞曰仙姑洞橋曰望仙橋麻襦不知何許人石虎時在魏縣市中乞丐恒着麻襦布裳故人以麻襦名之言語卓越狀如狂者乞得米穀不食嘗散置大路云飼天馬趙興太守籍狀送請石虎虎與共語無異言惟道陛下當終一柱殿下虎不解所言還送本縣既出城謂送者曰我當有所過君至合口橋見待使人如言而馳至橋麻襦已先至後慕容雋投虎尸于漳水倚橋柱不流時人以為一柱殿下即此也及

元帝嗣位江左亦以為天馬之應

單道開燉煌人常衣麤褐吞細石子晝夜不卧石勒時從西來一日行七百里至秦州送至鄴佛圖澄與語不能屈也南入羅浮山後卒以尸置石室袁宏為南海太守登羅浮山至石室見道開形骸如生

馬儉扶風人博通經史符秦甘露中從孫徹學道授五符真文斷穀服水行氣導引遂役使萬靈制御群邪姚萇聞而異之徃召不至給以香燭年九十八返真而雲舉孟欽洛陽人有左慈剋根之術符堅恐其惑衆命符融誅之欽于大燕會之中化為旋風而去頃之有告在城東者融遣騎追之垂及忽然已遠或有兵衆拒戰或前阻

澗水不得過遂不知所在

王嘉安陽人不食五穀不衣美麗隱于終南山旃言禍福皆驗符堅遣問世祚荅曰未央後末年敗於淮南央者殃也人欲取其架上衣者架逾高而屋亦不大姚萇問可得天下否對曰畧得之謂萇子子畧也萇怒曰得即得何畧之有遂殺之後人復見于隴上

宋

孫遊巖東陽人潛神希微太初中遇簡寂先生授以三洞經法其後茹芝却粒顏巴精爽久而愈少齊永明中詔主興世館後安坐羽化門弟子數百人惟陶弘景為入室

鄴去奢龍游崇仙宮道士劉宋初隱于處之卯山一夕有人謂曰石下有天師佩劍去奢修煉三年果得之乃得道仙去

梁

白鶴道人不知其姓字武帝時方士也愛舒州潛山奇絕而浮圖寶誌亦欲之武帝命二人各以物識其地得者居之道士以鶴止處為記寶誌以卓錫處為記已而鶴先飛至忽聞空中錫飛聲遂卓于山麓而鶴止他處乃各以所識築室

李順興杜陵人年十五乍愚乍智言未來事多中常冠道士冠好飲酒蕭寶寅反召問曰朕王可幾年對曰為天子有百年者有百日者及審寅敗纔百日其黨乃棒殺順興置城隍中頃之起活如初又嘗卧太傅梁覽家以衣倒覆身上及隋通使東魏事覺被誅以衣倒覆又嘗乞驪山下廢地于周文周文曰何用曰有用未幾至溫湯遇患卒于其地

陶弘景丹陽人年十歲得葛洪神仙傳晝夜研尋便有養生之志未弱冠齊高帝作相引為諸王侍讀除奉朝請雖在朱門閉影不交外物永明十年上表辭祿詔許之於是止於句容之句曲山恒曰此山下是第八洞宮名金壇華陽之天乃中山立館自號華陽隱居始從東陽孫遊巖受符圖經法遍歷名山尋訪仙藥每經澗谷必

坐卧其間吟詠盤桓不能已已天監十四年移居積金
東澗善辟穀導引之法年逾八十而有壯容深慕張良
之為人云古賢莫比曾夢佛授其菩提記名為勝力菩
薩乃詣鄮縣阿育王塔自誓受五大戒大同二年卒年
八十五顏色不變屈伸如常

陸法和江陵人南梁時隱于百里洲有遁術能先知禍福
侯景之亂遣杜豹擊湘東王于江陵法和率蠻兵敗豹
擒之封江東縣公慮梁室日衰嘗大聚兵艦欲襲襄陽
元帝使止之法和乃還州聖其城門麻衣蓑坐已而梁
兵果敗滅

元魏

寇謙之昌平人少遇仙人成公興與之遊嵩華食仙桃不
復饑遂隱嵩陽興將出謂謙之曰有人持藥來但食之
莫怪尋有人將藥而至皆毒虫臭惡物謙之大懼出走
興還語以故興嘆曰先生未便得仙止可為帝師耳元
魏泰武帝召至闕禮遇甚厚一日謂弟子曰昨夢公興
召我于中嶽仙宮遂羽化有青氣如烟從口中出天半
乃消其體漸縮識者謂尸解後東都沈猷見謙之在嵩
山身作銀色光明如日始知其為仙矣
成公興不知何許人初為謙之從母家傭謙之覲其姨見
興形貌甚彊因將還謙之嘗筭周髀不合隨興語布之
俄然便決謙之因請師事之興固辭及求謙之為弟子

事謙之七年而卒先是有京兆灊城人王胡兒其叔父
亡頗有靈異曾將胡兒至嵩別嶺同行觀望見金室玉
堂有一館尤珍異空而無人題曰成公興之館胡兒恠
而問之其叔父曰此是仙人成公興館坐失火燒七間
屋被謫為寇謙之弟子七年始知興乃仙者謫滿而去
王道翼東萊人少有絕俗之志隱韓信山四十餘年斷粟
食麥通遠經章善書符錄獻文間青州刺史韓頽召之
翼乃赴郡令增給衣食終身

周常節京兆杜陵人後魏時棄官謁趙法師入華山因號
華陽子鈺黃精撰三洞儀序老子易論周武帝賜號精
思法師有白鶴臨壇天和四年忽彩雲如蓋覆其廬上

節曰吾當乘此而去遂化昇

隋


徐則東海郟人幼沉靜寡欲受業于周弘正精於議論懷
棲隱之操隋時入縉雲山常服巾褐又入天台山絕穀
養性所食惟松朮而已後尸解

岑道願江陵人隋初避難泝三峽至萬州江南山巖下修
煉食黃精百餘歲脫迹而去唐貞觀十八年以香屬商
人令往故巖下燃之商人不往且歸波濤震怒不可止
乃返詣巖燃香遂平行無虞

劉珍廣漢什邡人開皇中居安東山忽取所齋道經鐘磬
封于石室中日後六十年當有聖君取之且曰吾功行

已成四月之望吾當升天自以火化是日珍見隋文帝
帝遣使至中山訪其事令建三觀唐高宗遣使取丹經
鐘磬以進宋治平中賜額延真

潛翁開皇中煉形于漳州石壁山養白蝦蟆自隨後不知
所終



李鐵拐或云隋時峽人名洪水小字拐兒又名鐵拐常行
丐于市人皆賤之後以鐵杖擲空化為龍乘龍而去一
說李本偉丈夫常遇老君得道後出神往朝老君與其
徒約以七日不返焚其尸後六日其徒以毋疾遽焚而
去李還附一丐者尸起故足跛而貌更醜惡

續文獻通考卷之二百四十一終

